

地150.297
42
-9

附卷前卷上

古禮

古文

靈寶縣志

附卷首卷 古禮 古文 古建設

禮以治世文以傳世故告朔之餼羊宜存聖人重之夏殷之
文獻無徵聖人傷之古禮古文關係亦鉅矣靈邑自國體改
革以來前清所行之禮皆成過眼之雲煙前清所載之文亦
類無味之鷄肋以常情言之皆在當刪之列然修志者所以
考古證今傳後也今雖已成過去而當日沿革之跡皆後來
考證之資未可任其湮滅致流失而無從源溯也志古禮古
文古建設

甲 古禮

一 迎春

靈寶縣志 附卷前上

古禮

一

新像印刷所承印

每歲有司預期望造春牛並芒神立春前一日各官吉服迎
於東郊祭勾芒神至本日衣朝衣祭勾芒神訖各執彩仗正
官擊鼓三聲環鞭土牛者三

二 耕籍祭先農壇

每歲仲春亥日巳時祭先農壇午時行耕籍禮祭日承祭官
率各官請神位供於壇上衣朝衣行禮祭畢送入祠

壇高二尺一寸廣二丈五尺牌高二尺四寸廣六寸座高五
寸廣九寸五分壇後祠宇門樓一間正房一間供神正位配
房一間壇右建屋一間爲籍倉籍田四畝九分置於南郊
祭品帛一 白色羊一豕一鉶一籩四豆四簋二簋二爵三

禮節

祭日各官衣朝衣禮生引承祭官就位通贊唱瘞毛血禮生引詣盥洗所贊盥洗淨巾引詣香案前贊迎神行二跪六叩頭禮興行初獻禮引詣神位前跪奠帛獻爵叩頭興詣讀祝位跪衆官皆跪宣祝文畢叩頭興引唱復位通贊唱行亞獻禮引詣神位前跪獻爵叩頭興復位通贊唱行三獻禮如亞獻儀通贊唱飲福受胙引唱詣飲福受胙位跪飲福酒受福胙叩頭興謝胙一跪三叩頭興復位通贊唱徹饌送神行二跪六叩頭禮興通贊唱司祝者捧祝司帛者捧帛各詣燎所引唱詣望燎位焚畢揖復位通贊唱禮畢各官更蟒衣詣籍

田行耕籍禮

一官捧青箱一官播種各官俱用右手扶犁左手執鞭各行九推禮農夫終畝耕畢各回官廳更朝衣望闕恭行三跪九叩頭禮仍將遵行耕籍日期具奏

州縣正印官秉耒佐貳執青箱播種

耕籍器物 農具一 赤色牛一 黑色籽種箱一 青色

三 鄉飲酒

每歲正月十五日十月初一日於儒學行禮前一日執事者於儒學之講堂陳設坐次司正率執事習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席者率僚屬出迎於庠門之外以

入主居東賓居西三揖三讓而後升堂東西相向立贊兩拜
賓坐執事又報曰僕至主席又率僚屬出迎揖讓升堂拜坐
如前儀賓介俱至既就位執事者唱司正揚觶執事引司正
由西階至堂中北向立執事者唱賓僕以下皆立唱揖司正
賓僕以下皆揖執事者以觶斟酒授司正司正舉酒曰恭維
朝廷率由舊章敦崇禮教舉行鄉飲非爲飲食凡我長幼各
相勸勉爲臣盡忠爲子盡孝長幼有序兄友弟恭內睦宗族
外和鄉里無或廢墜以忝所生語畢執事者唱司正飲酒飲
畢以觶授執事執事者唱揖司正揖賓僕以下皆揖司正復
位賓僕以下皆復位唱讀律令執事者舉律令案於堂中引

讀者詣案前北向立唱賓僕以下皆立行揖禮如前讀畢復
位執事者唱供饌案執事舉饌案至賓前次僕次介次主三
賓以下各以次舉訖執事者唱獻賓主起席北面立執事斟
酒以授主主受爵詣賓前置於席稍退贊兩拜賓答拜訖執
事又斟酒以授主主受爵詣僕前置於席交拜如前儀畢主
退復位執事唱賓酬酒賓起僕從之執事者斟酒授賓賓受
爵詣主前置於席稍退贊兩拜賓僕主交拜畢各就位坐執
事者分左右立介三賓衆賓以下以次斟酒於席訖執事者
唱飲酒或三行或五行唱供湯又唱斟酒飲酒供湯三品畢
執事者唱徹饌侯徹饌案訖唱賓僕以下皆行禮僕主僚屬

居東賓介三賓衆賓居西贊兩拜訖唱送賓以次下堂分東西行仍三揖出庠門而退

凡鄉飲酒禮序長幼崇賢良別奸頑其坐席間年高德邵者居上高年醇篤者並之以次序齒而列其有違條犯法者不許干於良善之席違者罪以違制敢有誼譁失禮者揚譴者以禮責之 主知府如州知縣如無正官佐貳官代位於東南 大賓以鄉之年六十以上德厚望重輿論允協者二人爲之位於西北 擇里中年高有德之人位於東北介以次長位於西南 三賓以衆賓之長者三人位於賓主介僎之後除賓僎外衆賓敍齒列坐其僚屬則序爵 司正以教

職爲之主揚譴以罰 贊禮者以老成生員爲之

歌章初獻鹿鳴之首章次歌南山之首章三歌湛露之首章終歌天保之首章

四 鄉約

凡城內及各大鄉村各立講約之所設約正一人於舉貢生員揀選老有學行者爲之值月三四人選樸實有守者爲之置二籍德業可勸者爲一籍過失可規者爲一籍值月掌之月終則告於約正而授於其次每月朔日舉行先期值月豫約同鄉之人夙興集於講約之所俟約正及耆老里長皆至相對三揖衆以齒分左右立設案於庭中值月向案北面立

亢聲宣讀聖諭廣訓各人肅聽約正復推說其義必愷切叮
呼務使警悟通曉未達者仍許其質問講畢於此鄉內有善
者衆推之有過者值月糾之約正詢其狀衆無異詞乃命值
月分別書之值月遂讀善籍一遍其記過籍呈約正及耆老
里長默視一遍皆付值月收之事畢衆揖而退歲終則考較
其善過彙冊報於州縣官設爲勸懲之法有能改過者一體
獎勵之

五 宣講

每月朔望預擇寬潔公所設香案屆期文武俱至衣蟒衣禮
生唱敍班行三跪九叩禮退班齊至講所軍民人等環列肅

聽禮生唱恭請開講司講生詣香案前跪恭捧上諭登臺木
鐸老人跪宣讀畢禮生唱請宣講司講生按次講畢退

六 祈雨祈晴

龍王神廟注水盈缸內插柳枝設香案香蜡拜用蓆僧道各
一班開壇送經禮生四名鼓吹一班各官衣素服步行至廟
禮生引至拜位通贊生唱行一跪三叩頭禮宣疏文畢再行
一跪三叩頭禮焚疏文再揖禮畢

城隍廟設香案香蜡拜用紅氍僧道各一班開壇送經禮生
四名鼓吹一班各官衣素服步行至廟禮生引至拜位通贊
生唱行一跪三叩頭禮宣疏文畢再行一跪三叩頭禮焚疏

文再揖禮畢

七 救護

日食豫行所屬官司前期設香案於露臺金鼓列儀門樂人列臺下設拜位於露臺上俱向日至期陰陽生報日初虧各官衣便服行三跪九叩頭禮班首官上香畢正官擊鼓三聲衆鼓齊鳴及報圓鼓聲止各官衣朝衣行三跪九叩頭禮畢月食儀同

八 朝賀讀詔

萬壽聖節前一日於御題寺前殿敬設龍亭排列儀仗至日五更文武各官衣朝衣齊伏立丹墀下文東武西禮生四名

稟三鼓行禮引至各拜位通贊唱序班行三跪九叩頭禮畢各退前三日後三日俱蟒衣坐班

儀仗 龍亭一 龍幄一 龍扇一 椅一 香亭一 龍

傘一 梧杖一 盆一 立瓜一 臥瓜一 骨朶一 金

鉞二

皇太后萬壽聖節禮節同

皇后千秋令節元日長至節禮節俱同 惟不先後坐班

詔書至本地官員衣朝衣具龍亭彩輿儀杖鼓樂出郭外肅迎贊使捧詔書置龍亭中南向使者立於亭東本地官員北向行三跪九叩頭禮衆官及鼓樂前導使者隨龍亭後行至

公庭門外衆官先趨入文武分東西序跪候龍亭至公庭中使者立龍亭之東西向贊禮生通贊序班文東武西樂作行三跪九叩頭禮使者捧詔書授展讀生展讀生跪受詣開讀案前官讀衆官皆跪宣讀畢展讀生捧詔書恭授使者捧置龍亭中衆官跪行三叩頭禮起又行二跪六叩頭禮具鼓樂恭送龍亭凡詔書經過道路官員軍民人等俱於路旁俯伏候詔書過方起如出使在外官員遇詔書到處卽出迎郊外至公庭中贊禮生贊出使官行禮先引至露臺行三跪九叩頭禮然後本地官行禮至開讀時出使官仍隨班跪聽一同行禮凡詔書經過及止宿地方先行知五里之內文武各官

具鼓樂出城迎接跪於道右候詔書過方起隨至郵亭設香案供奉贊使立於案東禮生贊行三跪九叩禮至臨行時仍具鼓樂出城在道右跪送

九 上官

凡新官上任未到城一舍先告示官屬父老人等令灑掃應祀神祇祠宇豫治牲醴比至城外齋宿翌明入城詣諸神祠致祭祭畢受印至本衙門儀門下馬從中道入於月臺上望闕行三跪九叩頭禮畢升座開印簽押以次參見先皂隸次吏典行兩拜禮坐受次屬官行兩拜禮拱毛答禮次佐官行兩拜禮出座答拜查點倉庫匙鑰署判各房須知事件畢

事而退

十 崇聖祠 雍正元年自叔梁公以上五代並追封為王爵

肇聖王木金父公正中南向

裕聖王祈父公左

貽聖王防叔公右

昌聖王伯夏公左次

啓聖王叔梁公右次

祭品五案 帛五 白色羊一豕一鉶一簋二一簋二一籩八豆八

酒罇一白磁爵三

東配

靈寶縣志 附卷前上

古禮

八

新像印刷所承印

先賢 孔氏孟皮 一字伯尼 咸豐七年配享

顏氏無繇 字路 孔氏鯉 字伯魚

西配

曾氏點 字皙 孟孫氏激 字公宜 魯公族 孟孫之後

祭品 每位一案 帛二 白色 豕首一 簋一 籩一 籩豆各四 豕肉一 每

位銅爵三

東廡

先儒 周輔成 字熙 教顯 程珦 字顯 二程之父 蔡元定 字季通 沈之父

西廡

張迪 載之父 朱松 字喬年 熹之父

祭品帛二 白色 簋一 籩一 籩豆各四 豕肉一 每位銅爵三 禮

節同正殿不奏樂用鼓吹

名宦鄉賢二祠同時分祭儀同兩廡

十一 關帝廟典禮 咸豐三年升入中祠

春秋二祭祭品 帛一 白色牛一羊一豕一簋簋各二籩豆各十

聖誕五月十三日祭品 帛一 白色牛一豕一羊一果五盤禮節

祭日贊引官引承祭官進左旁門至盥洗所贊盥洗畢引至殿內行禮處立典儀唱樂舞生就位執事者各司其事贊引官贊就位引承祭官就位典儀唱迎神司香官捧香盒就香

爐左邊立典儀唱作樂贊引官引承祭官就香爐前立司香官跪贊引官贊上香承祭官立將炷香接舉插爐內又上塊香三次畢贊復位承祭官復位立贊跪叩興承祭官行三跪九叩頭禮樂止典儀唱奠帛爵行初獻禮捧帛爵官將帛爵捧進神位前典儀唱初獻樂作奠帛官跪獻行叩頭禮退執爵官立獻畢退讀祝官詣安祝文桌前行三叩頭禮捧起祝文立樂暫止贊引官贊跪承祭官讀祝官俱跪贊讀祝讀畢捧至神位前跪安盛帛盒內畢行三叩頭禮退樂復作贊引官贊叩興承祭官行三叩頭禮立樂止典儀唱行亞獻樂作執爵官自案左邊照初獻禮獻畢退樂止典儀唱行三獻禮

唱終獻樂作執爵官自案右邊照亞獻禮獻畢退樂止典儀
唱徹饌樂作樂止唱送神樂作贊引官贊跪叩興承祭官行
三跪九叩頭禮立樂止典儀唱捧祝帛饌各詣燎位捧祝帛
香饌官各至神位前俱跪捧祝帛官行三叩頭禮捧香饌官
不叩頭將祝帛香饌依序捧送承祭官退至西旁立候捧祝
帛各官過畢復位立樂作贊引官贊詣望燎位承祭官至燎
爐前焚訖揖贊引官贊禮畢退樂止春秋二祭五月十三日
樂章咸豐四年春月製譜
春祭夾鐘清均倍應鐘起調簫尺除尺笛尺除伍
迎神 格平之章

靈寶縣志 附卷前上

古禮 十

新豫印刷所承印

懿尺鑠尺兮伍焜伍煌伍神伍威伍靈伍兮伍赫伍八伍方
宮 翎伍烈伍照伍兮伍累伍禋伍祀伍事伍明伍兮伍永伍
光伍達伍精伍誠伍兮伍黍伍稷伍馨伍香伍儼伍如伍在
仕兮伍洋伍洋伍

奠帛初獻 翊平之章 三獻有舞餘無舞秋祭同

英尺風尺翊尺兮伍神伍格伍思伍紛伍綺伍蓋伍兮伍龍
帆尺旗尺灑尺桂尺醕尺兮伍盈伍卮伍香伍始伍升伍兮伍
惟尺粢尺惟伍降伍鑿伍兮伍在伍茲伍流伍景伍祚伍兮伍

伍翊尺昌尺時尺

亞獻 恢平之章

觴伏再伏酌伏兮伍告伏虔伍舞伏干伏戚伍兮伍合伏宮
伍懸伏歆伍苾伍芬伏兮伍潔伍蠲伍扇伏巍伏顯伍翼伍
兮伍神伏功伏宣伏

終獻 靖平之章

鬱伏鬯伏兮伍三伍申伍羅伏籩伏簋伍兮伍畢伏陳伏儀
伏卒伍度伍兮伍肅伏明伏禋伍神伍降伏福伍兮伍宜伏
民伏宜伏人伏

徹饌 葵平之章

物伏惟伏備伍兮伍咸伏有伏明伍德伍惟伍馨伏兮伍神
伏其伍受伏告伏徹伍兮伍禮伍終伍罔伏咎伏佑伏我伍

靈寶縣志 附卷前上

古禮

十一

新豫印刷所承印

家伍邦伍兮伍孔伏厚伏

送神 康平之章其一

幢伏葆伏歲伏蕤伍兮伍神伍聿伍歸伍馭伏鳳伍軫伏兮
伏驂伍虬伏騑伏降伏烟伍煜伍兮伍餘伍飜伏辭伍願伏
回伏靈伍盼伍兮伍德伏洽伏明伏威伏

望燎 康平之章其二

焜伏蒿伏烈伏兮伍燎伏有伏輝伍神伍光伍遙伍炳伏兮
仕祥伏雲伍霏伏祭伏受伍福伏兮伍茂伏典伏無伍違伍
庶伏揚伏駿伍烈伏兮伍永伏奠伏疆伏畿伏

秋祭 南呂清均仲呂起調簫伏除伍笛伍除伍

迎神 格平

懿鑠兮焜煌

角伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

商 偉烈昭兮累禋

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 達精誠兮黍稷馨香

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 奠帛初獻 翊平

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

英風颯兮神格思

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 紛綺蓋兮龍旗

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 惟降鑒兮在茲

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 流景祚兮翊昌時

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏 亞獻 恢平

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

伏

靈寶縣志

附卷前上

古禮

十一

新豫印刷所承印

觴再酌兮告虔

伏

伏

伏

伏

伏

伏

伏

伏

伏

伏

伏

伏

伏伏伏伏 告徹兮禮終罔咎 伏伏伏伏伏伏 佑我家邦兮
孔厚 伏伏伏伏伏伏

送神 康平其一

幢葆歲蕤兮神聿歸 伏伏伏伏伏伏 馭鳳軫兮驂虬駢

伏伏伏伏伏伏 降烟熅兮餘飜翻 伏伏伏伏伏伏 願回

靈盼兮德洽明威 伏伏伏伏伏伏 伏伏伏伏

望燎 康平其二

焜蒿烈兮燎有輝 伏伏伏伏伏伏 神光遙炳兮祥雲霏 伏

伏伏伏伏伏伏 祭受福兮茂典無違 伏伏伏伏伏伏 伏伏伏伏

庶揚駿烈兮永奠疆畿 伏伏伏伏伏伏 伏伏伏伏

關帝廟舞譜 咸豐四年添設

初獻作翊平舞 左右班各三十二人 春暖涼帽

第一句英風颯兮神格思 英正立于居中戚下垂 風正面

身微俯于正舉戚橫左手上 颯向西東身微蹲于平舉戚斜橫

左手上兮 向西東向面仰右足少前于戚偏左 神正立于正舉戚

橫左手上 格向西東向于戚分舉 思蹲身偏左右側首于植地戚

衡左手上 第二句紛綺蓋兮龍旗 紛向西東向于側舉戚平指

東綺正面兩足並于正舉戚衡左手上 蓋正面起左足于高

西舉戚斜衡兮正面身微俯兩足並于正舉戚衡左手上 龍東西

向兩足並于平舉戚衡 右左手上 旗正面兩足並手微拱于平

舉戚衡左手上 **第三句** 欒桂醕兮盈卮 **欒** 俯首左足虛立

千居左戚居右少垂 **桂** 正面 左足少前 兩手微拱向 右左 作俯

視勢千平舉戚衡左手上 **醕** 正面 右左 足少前 兩手微拱向 右左

作俯視勢千平舉戚衡左手上 **兮** 身俯向 西右 足進前 千戚

偏 右左 作肩負勢 **盈** 正立千居左戚居右 **卮** 身俯面微仰兩足

並千正舉戚衡左手上 **第四句** 香始升兮明粢 **香** 正面 左右

足虛立千戚偏 左右 **始** 正面身微俯右足交於左千平舉戚衡

左手上 **升** 西東 向兩足並兩手推出千平舉戚衡左手上 **兮** 俯

首身蹲左足少前千戚偏右 **明** 正立千居中戚居右 **粢** 東西 向

身微俯右足少前千側舉戚衡左手上 **第五句** 惟降鑿兮在

靈寶縣志

附卷前上

古禮

十四

新豫印刷所承印

茲 惟 東西 向 左右 足少前微俯作下視勢千平舉戚衡左手上

降 正面兩足並千正舉戚衡左手上 **鑿** 俯首偏 左右 足少前

左右 足虛立千戚偏 左右 **兮** 東西 向頭微俯起 左右 足千平舉戚斜衡

左手上 **在** 正立千居左戚居右下垂 **茲** 向 西東 身微俯 左右 足交

於 左右 千戚偏 左右 **第六句** 流景祚兮翊昌時 **流** 身俯右足少

前千居左戚居右下垂及地 **景** 正面 右左 足少前 身微倚 東西 千

戚偏 左右 **祚** 正面 左右 足少前 身微倚 西東 千戚偏 左右 **兮** 正立兩手

高拱千正舉平衡 **翊** 首微俯手微拱兩足千正舉戚衡左手

上 **昌** 正面屈雙足千正舉戚衡左手上 **時** 屈雙足俯首千正

舉戚衡左手上

亞獻作恢平舞

第一句觴再酌兮告虔

觴正立羽籥植 再東向左右足進前

趾虛立羽籥如十字 酌東向左右足進前兩手微拱羽籥如十

字兮東向兩足並籥 西東指羽植如十字告正立籥斜舉羽植

虔正立羽籥如十字 第二句舞干戚兮合宮懸

舞正立俯

首羽籥如十字 干東向西東身俯左右足進前籥斜指下羽植 戚正

面兩足並羽籥並植兮身微向西羽籥偏左如十字 合東向西

左足進前籥斜衡羽植籥上宮正立籥平衡羽植懸正立兩

手上拱羽籥如十字 第三句歆苾芬兮潔蠲 歆正立俯首

作拱揖勢羽籥如十字 苾正東向身微蹲籥植過扇羽平額交

靈寶縣志

附卷前上

古禮

十五

新豫印刷所承印

如十字 芬東向起左足兩手相並推向東羽籥植兮身微向

西東兩手微拱向右羽籥如十字 潔東向西東兩手微拱向右

羽籥如十字 蠲東向身微俯籥平指西羽植 第四句扇巍顯

翼兮神功宣 扇東向西東身俯起右足籥斜衡羽植 巍正立首

微俯羽籥植 顯東向西東兩手推向西羽籥並植 翼東向正

身西起左足羽籥植兮東向正東面身蹲籥衡膝上羽植 神俯首

身東蹲右足少前羽籥偏左如十字 功東向正東面屈雙足羽籥如十

字 宣俯首至地羽籥如十字

終獻作靖平舞

第一句鬱鬯兮三申

鬱正立籥下垂右手推出羽植 鬯正

面身微向西少蹲兩手推向西羽籥植兮東向籥下垂右手
伸出羽植二西東向右足進前身微俯籥斜指羽植申東向右
足少前手微拱面微仰羽籥如十字 第二句羅籩籥兮畢陳

羅西向左足少前手微拱面微仰羽籥如十字 籩正立身

俯羽籥如十字 籥正立籥植過扇羽平衡如十字 兮正面身

向東右足進前左趾虛立羽籥並植畢正面右足交於左羽

如十字 陳正立籥下垂羽植 第三句儀卒度兮肅明禋

儀首微俯手微拱兩足並羽籥如十字 卒正立羽籥斜交度

正立羽籥偏右斜倚肩兮正立籥植過肩羽平額交如十字

肅正面右足交於左籥植居左羽平指西明東向籥東西指

靈寶縣志

附卷前上

古禮

十六

新豫印刷所承印

羽植禋正立籥平舉過肩羽植 第四句神降福兮宜民宜人

神東向起左右足羽籥植 降東向身微俯兩手推出羽籥植

福正立兩手相交羽籥並植兮正立身偏左兩手微拱羽籥

如十字 宜正立身偏右兩手微拱羽籥如十字 民正面身微

蹲兩手並羽籥植 宜正面屈雙足羽籥如十字 人俯首至地

羽籥如十字

祭後殿咸豐四年追封三代王爵

曾祖光昭王正中南向

祖裕昌王左

父成忠王右

春秋二祭祭品三案帛各一白豕各一羊各一不用牛簠簋各二籩豆各八

同日四更祭後殿行二跪六叩頭禮不用樂舞不行飲福受祚禮餘儀節與前殿同

十二文昌廟奠禮咸豐六年升中祀

春秋二季二月初三日祭品禮節與關帝廟同

樂章咸豐六年新定

春祭 夾鍾清均倍應鍾起調簫六除伍笛仕除伍

迎神 不平

秉氣兮靈躔宮商角徵羽翊文運兮赫中天商角徵羽

靈寶縣志 附卷前上

古禮 十七

新豫印刷所承印

仕羽蜺旌兮戾止伍雕俎兮告虔伍迓神

麻兮奏管絃伍昭聖德兮於萬斯年伍

仕伍奠帛初獻 俶平

神之來兮籩簋式陳伍神之格兮几筵式

親伍格昭彰兮靈貺伍致蠲

潔兮明禋伍升香兮伊始伍居歆兮

佑我人民伍

亞獻 煥平

再酌兮瑤觴伍燦爛兮庭燎之光伍

燦爛兮庭燎之光伍

仕申虔禱兮神座
祝祝仕伍祝祝
儼陟降兮帝旁
祝祝伍仕祝祝
綏景運兮靈長
祝祝

終獻 煜平

禮成三獻兮樂奏三終
祝祝伍仕祝祝伍仕
覃敷元化兮

繫神功
祝祝仕伍祝祝祝
馨香達兮脗響通
祝祝伍仕祝祝

祝伍 歆明德兮昭察
寅衷仕伍祝仕祝祝祝

徹饌 懿平

備物兮惟時
祝祝伍仕伍
告徹兮終禮儀
祝祝伍仕祝祝祝
神

悅懌兮鑒在茲
祝祝伍仕祝祝祝
垂鴻佑兮累洽重熙
仕伍

靈寶縣志 附卷前上

古禮

十八

新豫印刷所承印

祝祝祝祝祝祝

送神 蔚平

雲駢駕兮風旗招
祝祝伍仕祝祝
神之歸兮天路遙
伍仕

祝伍祝祝祝
瞻翠葆兮企丹霄
仕祝伍仕伍祝仕
願回靈眷

兮福我朝
祝祝仕伍仕祝祝祝

望燎

烟煜降兮元氣和
祝祝伍仕祝祝祝
神光燭兮梓潼之阿
祝

祝伍仕祝祝伍祝
化成耆定兮橐弓戢戈
祝祝祝祝祝祝祝

伍仕 文治光兮受福則那
仕伍祝仕祝祝祝祝

秋祭 南呂清均仲呂起調簫
祝
除伍笛仕
除祝
自迎神至

望燎樂章俱同春祭所異者音調耳

迎神 不平

第一句 角徵羽宮商 第二句 角徵羽宮商 第三句 角徵羽宮商 第四句 角徵羽宮商 第五句 角徵羽宮商 第六句 角徵羽宮商

奠帛初獻 傲平

第一句 角徵羽宮商 第二句 角徵羽宮商 第三句 角徵羽宮商 第四句 角徵羽宮商 第五句 角徵羽宮商 第六句 角徵羽宮商

亞獻 煥平

靈寶縣志 附卷前上

古禮

十九

新豫印刷所承印

第一句 角徵羽宮商 第二句 角徵羽宮商 第三句 角徵羽宮商 第四句 角徵羽宮商 第五句 角徵羽宮商 第六句 角徵羽宮商

終獻 煜平

第一句 角徵羽宮商 第二句 角徵羽宮商 第三句 角徵羽宮商 第四句 角徵羽宮商

徹饌 懿平

第一句 角徵羽宮商 第二句 角徵羽宮商 第三句 角徵羽宮商 第四句 角徵羽宮商

送神 蔚平

終獻舞起與亞獻同

禮成三獻兮樂奏三終 覃敷元化兮絜神功

馨香達兮脗饗通 歆明德兮昭察寅衷

十三社稷壇 社主土勾龍氏配 稷主谷后稷氏配

每歲春秋仲月上戊日出主於壇而祭之

祭品 帛二色黑豕一羊一鉶二籩四豆四簋二簋二罇一爵

三禮節與先農壇同

十四神祇壇

凡直省府州縣各於春秋仲月祭天神地祇及本境城隍之神在城文武皆與祭

靈寶縣志 附卷前上

古禮

二十一

新豫印刷所承印

風雲雷雨神位居中 帛四

山川神位居左 帛二

城隍神位居右 帛一俱白色

祭品禮節與社稷同

十五八蜡祠

每歲二月十四日八月十四日致祭

祭品儀節與社稷同

十六邑厲壇

每歲清明日七月望十月朔請城隍之神出主其祭傍無祀鬼神分祭之

祭品 帛一羊一豕一 飯米三石
十七軍牙六燹 每歲霜降日祭之
祭品 帛一羊一豕一

乙古文

舊志序

順治丁酉孟夏

邑梁儒

靈寶古桃林地 在豫州境內任土作貢見於夏書其風俗民情
典章文物則備載於志天運有平陂往復人事有窮塞通變時
世異而志亦因之明以前世遠年湮無可考矣近學博李君得
舊志於張楊兩生傳示余乃嘉靖乙未前令苟公所重修者字
僅可讀而其刊已燼迄今百二十年往矣隨時記事尙有疎略

靈寶縣志

附卷前上

古文

一二十二

新豫印刷所承印

之虞况此百餘年間掌故無人一旦欲續卽灰之燼既極力搜
索安能免掛漏之誚乎余憤如蔣卿鈍似董伯簿書日給不暇
敢云著作但念邑不可無志猶國不可無史家不可無乘也用
是退食之暇留神考究疆域封守之仍舊者幾何式田賦丁徭
之變易者幾何則供應裁扣之盈縮者若干款賢孝節烈之表
著者幾何人以及兵燹災害之所由來地荒民亡之所由致按
舊志綱目稍更次之各綴數語於條例之下至國朝之掃寇氛
靖民難除荒地之征削亡丁之役蠲逋賦赦膏災拯湯火而厝
衽席悉祥列而謹書之凡數月而稿成雖未必該載無缺而百
餘年之興衰利弊典章文物亦庶幾得其大概矣然猶有利之

所興未免爲害之所伏者如荒地雖除尙有新絕之糧累民賠補屯衛雖裁尙有磽确之瘠無人墾開舊日秋糧條編折徵而今有臨德轉漕之累他如驛站之協濟多而供應煩戶口之人丁減而食鹽倍凡此皆昔之所易今之所難利之所興卽害之所伏者也去害莫如盡力所得爲者不敢不免分所不得專者以俟後之君子可也若云此志變通可久則吾豈敢

舊志序

邑令 宋騰鯉

今海宇奉詔徵書四方子史志集成咸得貢諸朝以備典要天下郡邑雖各重加修纂而於訂古證今典則精核未免闕如也天中稱文獻之藪荷憲臺之洞鑑指畫靡遺凡我下邑斯有宗主

靈寶縣志

附卷前上

古文

一十三

新豫印刷所承印

靈寶古函谷關桃林重地邑志湮燬殆久於丁酉年賴前令梁侯重修刊輯固已明備又奉憲式益加精確其以羽翼國史何多讓焉今夏鯉叨任斯土適遭其會實爲不世奇逢遂開局遴輯爲更新之期與前志稍有裨益以無負朝廷輶軒之使亦無負憲臺哀輯之意而紀事編形刪繁就簡務使文省於前事增於後以備聖天子他日省方察俗取諸半部而丁戶之損益土田之饒沃厥賦之上中以及原隰之奧衍而知勞逸勤思驛遞之殷繁而念元黃况瘁山骨之荆榛而憫仳離逋負一一如指諸掌抑且貞廉孝義益教化振來茲以扶進風土而獲邀御覽上蒙燭照者未必不本諸此也古先王陳詩納價無非欲得民

情而用之志之所紀民情大可見矣設教而緩從之則今日之風行與司憲之鼓勵於是乎在若夫境內事跡前志已悉何容輕置一喙是爲敍

舊志序

康熙二十九年

邑令霍濬遠

濬遠不敏承乏茲土自己巳仲秋至庚午孟冬屈指期月有六旬矣國計民生務皇皇焉凜凜焉惟懼負主恩之高厚上臺之栽培一寢一食曷敢自卽於安時逢雍協文治宣昭萬國咸康車書一統輯瑞而彰教者海外絕域罔不率俾振古以來所未有也竊思我皇上御極三十年來生聚教養至周至渥起視寰區土田賦稅風俗人文日增而月盛者普天率土莫不見聞然

靈寶縣志

附卷前上

古文

一二十四

新學印刊

所以徵往而憲來者必取乎志以是命儒臣特修一統志行且告成大中丞閣公開府天中百度釐舉亦以志書爲未備檄行合屬續修濬遠捧檄竟讀欣然喜復瞿然懼按舊志修於皇帝之十有四年溯厥紀歲迺在丁酉越五年而濬遠甫生今得蒞斯邑而理其疆閱其書景先哲數往事不勝遺缺之惑又自慚愚魯未克勝任荷大中丞頒畫一之規定簡要之矩因義起例條理井然遠也敢不黽勉從事夫一邑之境鱗次牙錯廣袤縱橫各有定額故以總圖首焉隨刊奠定有異名而無異界此坤厚之貞觀也故志沿革星躔以備休咎勿以彈丸而遺故志天文分疆畫界尺寸莫逾而方位接壤遠近是計故志四至城池

以衛倉庫學校以篤人倫村落星羅市鎮碁布橋梁以通往來
渠堰以備蓄泄官署坊表以及祀典里社皆政體攸關故志建
置名山大川肇自兩儀初闢雖陵谷有時推遷而孕秀毓靈者
惟在高深故志山川代遠人遐幽奇未泯芳蹤偉跡感慨繫焉
故志古跡儂薄者可化以敦龐頑懦者可導以廉毅奢靡者可
齊以儉樸剛戾者可養以謙和誠哉禮樂所能移易故風俗不
可志也任土作貢樹藝異宜天喬動植民生所用故土產不可
不志也汲塚展邱千秋憑弔秦碑漢碣風雨摧殘以及唐陵宋
寢斷隴荒墳有不與寒煙衰草同盡者故陵墓不可不志也琳
宮梵宇或屬舊基古刹祗園多由勅建故寺觀不可不志也

則壤之肥饒程稅糧之輕重其間增減因時徵科有候此載在
天府上於司農賦稅爲尤重也則志之召父杜母弈世謳思甘
棠官柳未敢攀折以一身之臧否爲百姓之休戚職官又爲重
也則志之聖賢垂範模於天壤豪傑立事功於當世他如甲第
明經固足徵人文之蔚薈非徒爲鄉黨寵光人物在所必書也
故志之若先達之居停高人之至止流風餘韻猶有傳者至孝
義節烈夫地正氣耿耿不磨卽逸民技士亦必有所挾持皆當
與人物連類而志者也清言麗藻以繡口而傳錦心高文大篇
本經史而拓議論長歌短咏具見性情古調新聲動關風雅不
志藝文何以傳後乎至于災祥雖天道之吉凶而修省乃人事

之趨避亦在所必附焉綱舉目張振裘挈領若非大中丞之章程敢易言纂修哉濬遠渺見寡聞詒誚匪細於是廣搜載籍博訪遺篇詢之故老質之輿情敦請一二淹雅之士考訂商確繁者芟之略者詳之缺者補之諱者明之紊者理之訛者正之續者增之凡五易稿三越月始成書進大中丞而筆削之以述往事昭來者於是乎在適郡伯汪公木天仙吏國史鉅才出守名區更化善俗草創既就敢請刪定以襄盛典濬遠亦得竊步後塵藉以不朽何幸如之夫宇宙大矣蕞爾之靈何殊太山之撮土九牛之一毛然幅員之廣郡縣之積也山川不改人物依然閭巷之歌謠可供輶軒之採候尉之出產亦充太府之藏安在

靈寶縣志

附卷前上

古文

一十六

仙露印廟所承印

宏農下邑致嘆於文獻之無徵也哉是役也重繙舊志敢云踵美而增華繼晷焚膏自喜析疑而傳信請詳定本捐俸鏤刊庶幾附名賢之後以備遺忘而已若夫教養安恬風醇俗茂則有待於後之君子

舊志序

康熙辛未孟夏

邑令江 繁

在昔洛邑未營而桃林之名已見於周誓厥後柱下東來薛公宵度指數百二首重函關卽合六王之力卒未聞挾泥丸而封之形勢所傳由來舊矣沿革代殊廢興遞變上下二千餘年所爲盛衰升降之故惟賴紀載之力始足以述既往而詔將來余嘗三折肱於茲邑矣往者民散土荒逋賦數萬展轉株累日就

流亡鳩鵲餘生厓羸待斃而正供之外又迫之以芟菟羽檄星馳巧炊無措心傷鄭俠難繪安上之圖才媿陽城自分催科之拙顧茲墨綬輕若鴻毛而私念平陸牛羊一旦立而視死則距心之罪不幾與持戟者等哉賴聖天子在上俯念民依一時當事諸公莫不留心撫字勉從所請始得蠲除余蓋三次繕詳不覺淚盈盈出於紙上也痛定思痛輒欲編輯舊章網羅佚事條核人物審定風謠以成一邑之志而簿書鞅掌尺幅非長考獻徵文缺焉弗舉今霍君來尹茲邑也政簡刑息物阜人安乃以文章緣飾吏事承中丞閻公續修志書盛典殫心綜覈銳意蒐錄因革捐益有關於民瘼者必書孝義忠貞有裨於民德者必

錄凡人材之消長習俗之醇駁山川之險易幽敞風氣之燥濕剛柔戶口城郭賦役兵刑之衰旺堅瑕繁簡得失無一不考列精審裁制宏通網舉目張星分川布徵遠古則委曲如存語近今則鬚眉可鑒讀者疑爲踵事增華而不知其創也疑爲分曹開局而不知其獨也疑爲積月累歲而不知成於一時也博而信簡而該後之吏茲土者披志而洞登耗之情狀尋利病之根源講興革之事宜圖補救之實益陳方發冊直將比諸格人典型煥鼎運而俟輜軒稽方聞以遵王路無憾矣今聖作物睹簿海內外文治蒸蒸日上和溢而芝菌生山澤通而雲霞爛鴻文鉅筆其猶慶雲朱草之瑞世者乎古者祥瑞見於其境則長吏賜

金增爵斯亦霍君對揚景命之休徵矣

舊志序 乾隆十二年

州牧 宏農籍 龔崧林本姓

靈邑古桃林地漢以後爲宏農郡唐以來爲靈寶縣洎入國朝雍正甲辰以前隸河南郡乙巳後改陝州爲直隸而靈與閩盧三邑屬焉先後隸屬不同邑乘亦當有別又凡事體人物之有關政治風土而不可磨滅者尤宜及時編輯無容聽其湮沒而不彰歲乙丑冬余奉命來守是州下車後諦視本州暨三屬志書率皆康熙年間舊帙越今數十年來未有爲之載筆者以是朝廷之良法美意列憲之善政善教以至士夫匹婦忠孝節烈之行多不及表章以爲出治宣猷訓俗型方之助竊不自揣輒

靈寶縣志

附卷前上

古文

一二十八

新豫印刷所承印

欲取州志更定之以爲屬邑倡適藩憲趙公檄州郡重修志監憲張公又爲詳示領要俾有所稟程惟時余既受教哀輯州志蚤夜不遑而前靈令華容周君亦悉心蒐訪屬有成稿會移任泌陽去攝篆江夏王君踵事而修飾之丁卯夏六月萊陽初君調至靈復加較訂上其稿於州余繙閱之見其綱舉目張條分縷析舉夫良法美意善政善教忠孝節烈之行靡不犂然畢著於一編之內今而後隸陝之靈邑始有成書矣且是書非徒以資考據備觀覽也按其紀載可以隨事制宜因時布政於以導揚雅化使是邑沐膏被澤返樸還醇復古宏農之舊則所裨於治術者良非淺鮮也是所望自今以往之司土者

舊志序

乾隆十二年

邑周慶增

周官外史掌邦家之志所以備一方之紀載凡山川土田物產人文悉具而一時政事之得失風俗之美惡於是覘焉志之所關鉅矣乃當官者往往以簿書爲奏最而於志事多闕焉勿講豈非以無關考成遂不經心與靈邑爲古宏農地中州以西繁會之區也凡邑之瑰偉奇特前志雖具經五十餘年未有嗣而輯者其間興廢沿革與夫縉紳仕宦之偉績忠臣孝子義行節烈之潛德幽光幾何而不淪沒於流波逝水耶余以乙丑仲夏筮仕茲土政事之餘每仰俯川原周咨父老南望秦嶺虢之壯麗北顧黃河澗谷之灝淼未賞不嘆爲雄都名勝之區由是

靈寶縣志

附卷前上

古文

二十九

新德印刷所承印

弔直臣之墟溯猶龍之窟孤忠秘錄燦然如日月經天江河行地近矚何許李楊諸先生之聲施則又景老成而深典型之在望也至於幅員遼闊鄉邑參差人物之充牣舟車之輻輳竊愴然有撫巖疆控百二之懼焉幸本道張公本州龔公皆江左名儒朝夕提命俾獲地方寧輯奉職無愆兼之時和歲稔民物恬熙方欲冀百度之聿新而一一可次第修舉也適列憲以志事檄行而本州復爲指示要領余旣親承大雅用以厚自淬勵急圖所以趨繩就墨者爰取志事進紳士而斟酌之網羅記載採輯舊聞惟是五十餘年之物情時事莫不奮興勃發於楮墨間一時編次則有華容敖子啓潛分校則有李子熙鐸楊子浩許

子鵬扶王子曰智王子家璜經紀司事則有許子乘泰陳子所習卜錡桃林書院始於十年九月首輿圖次建置次職官次節孝次藝文凡六卷乃稿未成而余適改調泌陽爰令司書者草成一册屬署任吾楚王君爲之續成其事庶可付剞劂焉余因之有感也余於靈纔二年耳而五十餘年之事曾萃於刑錢紛雜之餘凡學校衙舍城垣及地方機宜孜孜砉砉一切綆短汲深草草未竟而又猝焉舍去何緣之速也昔人謂周禮一書爲天理爛熟之書元公未及施行者又謂冬官爲後人所附益余是稿也人官物曲不審位置頗安與否然而此物此志余與王君於翰墨中當別有天外緣也馬首南征河梁攜手臨歧一卷

靈寶縣志

附卷前上

古文

三十

新豫印編所承印

珍重千秋上下五十餘年余之心情猶依依於函關秦嶺間耳

舊志序

乾隆十二年

邑令王道暉

邑之有志由來尙矣靈邑處豫省之西陲函谷洪河倚天拔地名賢傑士鍾秀毓奇其間山川之壯麗人才之俊偉以及物產之豐饒方域之袤廣星野之燦列風土之變遷制度之沿革政事之可法可傳文章之空前軼後洵稱物華天寶人傑地靈載在舊乘班班可考雖出蟠際之凝成端賴人事之輔相則修舉廢墜相繼以守此土而共襄厥成者勿庸諉其責已粵惟舊志之成在康熙庚午之歲迄今歷年五十有八其間人才蔚起德政貽休以至孝子義行貞女節婦可傳不朽者不知凡幾且文

增事減搜羅豈易薈萃殊難實深人以抱殘守缺之憾也吾鄉
寅友華容周君以孝廉筮仕于靈適奉憲檄重修志乘周君曾
延一友爲之纂輯公暇多事參稽起例發凡幾經酌定將付梨
棗矣適以量移泌余蒙憲委攝篆於茲公務甫畢臨歧執手諳
諳以續成縣志爲囑余不敏何足以當之顧念善作者必需善
成善始者尤貴善終用是不避續貂之嫌而敬抒一得之慮於
其文之缺者補之繁者芟之錯訛者正之遺漏者另爲搜輯以
增之反復周折經數月而始成書凡夫宦蹟人物可以資觀感
而興起山川藝文可以備憑弔而折衷天文分野可以通幽明
而觀法象疆畝秩祀可以循阡陌而薦馨香貢賦土宜可以知

靈寶縣志

附卷前上

古文

三十一

新豫印所承印

則壤而章物采者無不燦然畢具義明而備詞簡而該由是播
諸一邑而俟輜軒之采周君重修之心其克慰也乎夫稽典章
而思繼有土者之責也莫爲之前雖美勿彰莫爲之後雖盛勿
傳京兆五日庸敢自卸如謂追蹤東里夙稱博雅掩人之善以
見己之長也余則何敢

舊志序

乾隆十二年

邑初元方

歲丁卯夏余自泌陽調任靈邑會前任華容周君暨攝篆江夏
王君相繼修邑乘甫脫稿未付剞劂余因取而校仇之再閱月
書成將授梓邑紳士請序於余余唯是書爲周王君承列憲之
意所有事余何敢以一日之勞掩其積時之力第兩君之書垂

成皆未竟其事而去余適至靈得定其先後之序訂其亥豕之訛使後之覽者謂今此之志實經三人手而成由是溯兩君因並及余固亦余之所欣願也雖然兩君以未竟之事遺余卽以克副其事者遺余矣以未竟之事遺余而成之也易以克副其事者遺余而爲之也難孔子曰誦詩三百授之以政不達雖多亦奚以爲則今者宰是邑而觀是志其容視爲尋常之記載云爾乎觀天文則當思感召觀疆域則當思保障觀賦稅則當思民力觀人物則當思作興觀宮蹟則當思媲美之何由觀民風則當思化導之何術循名責實雖朝夕殫心以求不虛是志猶恐才力單薄不足相副敢以志之成於且暮謂可以塞責耶若

靈寶縣志

附卷前上

古文

三十二

新像印刷所承印

徒置之案頭僅供記觀覽其圖物用佐咏歌此文學之餘事騷客之閒情轉有妨於當官之職守固非列憲檄修邑乘之意並非周王兩君所望於後來者也於是因紳士之請書余自勵之說並譜簡端云

舊志序

光緒丙子

河陝尹耕雲
汝道

凡一州一邑之志成其相臨之長例得弁言於簡端靈寶縣志梓旣竣方令慶甫請敘於余余不獲辭顧自前明嘉靖至國朝乾隆間志已屢修敘不下十數首其所言已大備余卽有言與前豈有異乎是故無敘可也然有不能已於敘者則靈寶車馬一事不可不以稔後人也周禮小司徒均土地以稽其人民而

周知其數凡起徒役毋過家一人以其餘爲羨鄉太夫以歲時登其夫家之衆寡辨其可任者均人均力政以歲上下秦令民一歲屯戍一歲力役漢役民歲不過三日二十三而傳五十六而免晉人戶調之式土斷之制北魏均田北齊永業後周均賦隋仍齊周之舊唐賦稅之目有三曰租曰庸曰調租庸歲有所輸調則用人之力歲二十日閏加二日至楊炎始廢租庸調以爲兩稅宋神宗用王安石講求興利天下騷然惟僱役一事頗能通變而司馬光以爲有五害仍勅守令按戶籍定差明役凡三等以戶計曰里甲以丁計曰均徭上命非時徭曰雜汎國家正供有丁有地則力役征在其中至不得已而有軍旅之事於

是迺借資民力事已則罷始亦無惡於人而其流弊則有不可勝言者若車馬局是已靈寶凡二十八里而設一總局於縣城歲舉數人以司其事兵差之來也局曰車則車局曰馬則馬歲計所出而取給於二十八里頭會筭斂無敢違者其既至於民與隸相仇民與民相仇而岌不可終日矣余下車伊始稔知其弊顧一概罷免則因噎廢食事必無所取辦也將意爲節省則削趾適屨勢又有所不行也夫授受私故黠者得以售其欺取求便故貪者得以肆其欲於是釐訂章程申明約束曰稽查來歷以免濫應曰慎選紳董以司出納曰嚴革浮冒以示禁制曰分別界限以杜影射大略一夫一馬應付必有所憑一絲一粟

帳籍必有所指贖資衆力其一切出入必質諸共所見聞設局有專供其他項徭役不得以或相撓越於是下所議於各屬咸以爲便而靈寶又值慶甫來攝邑篆潔已奉公以身作則四境安堵遂以無事迺以其暇舉前令周侯續修之縣志付諸劊劂嗟乎使如前日則余與慶甫雖欲食蔬衣敝勞心焦思以求一日之無故而不可得修志云乎哉爰諾其請而覲縷書之以爲敘且爲後之官斯土者告焉若夫桃林之險沃函谷之阨塞忠臣龍逢之墓神仙尹喜之宅他敘已能有之余不復贅云

舊志序

光緒二年

陝州知州 查以謙

余於乙亥之冬捧檄來牧於陝陝之屬縣三而靈寶一邑民庶

靈寶縣志

附卷前上

古文

二十四

新豫印刷所承印

財豐向稱繁劇慨自紅巾肆虐烽火曾經而年來西陲多事征調頻仍車馬之賦糗糧之供幾於無日無之兵燹餘生嘻憊已甚思所以安集而休息之賢有司之事也上元方君適權斯土聞嘗與之講求吏治見其爲人執雌守下訥訥如不出諸口而一片肫肫然愛民如子之誠則溢於辭色不能自掩以是知其將大造於斯土也一日出其重修靈寶縣志而請序於余余受而讀之嘆其義例精詳繁簡適中無闕略之憾無亥豕之訛於志乘中允稱善本然第以志乘之書日之失方君之本意矣天之視聽在民政有得失災祥應焉則志天文國之保障在令土有廣狹界限分焉則志疆域覽山川之夷險不忘居安思危之

心考沿革之損益而思因時制宜之道學校禮樂教化行焉選
舉人物人才出焉志風俗以察其醇漓志賦稅以權其輕重至
于忠臣節義化民之本詞章文藝造士之方何莫非政治之所
由出乎官斯土者誠能於此加之意焉而簿賦稅以育民生敦
禮樂以厚風俗施草偃風行之令宏既富且教之謨將見羣生
茂育嘉祥疊見則斯編之有裨於治術者豈淺鮮哉若僅嘆其
義例之精詳繁簡之通中猶未足窺其底蘊也是爲靈邑之志
書卽爲方君之治譜矣欲爲吾民謀安集休息之方其在斯乎
是爲序

舊志序

邑令周淦

靈寶縣志

附卷前上

古文

三十五

新豫印務所承印

靈寶之有志不知始何時自前明嘉靖邑令苟公汝安重修後
一百二十餘年至我朝順治丁酉梁公儒宋公騰鯉次第重修
又三十餘年爲康熙二十九年霍公濬遠大加考定又五十八
年爲乾隆十二年周公慶增王公道暉初公元方和繼增補至
於今蓋又一百二十八年矣夫執途人而問以十數年之事雖
甚庸愚猶能歷歷道之至三四十一年則茫然矣五六十一年則更
茫然矣若事隔一百餘年雖賢子孫猶不能記其祖宗之事矧
一邑數百里之遙而又事非切已誰復能知其詳哉考舊序靈
志在梁宋二公時不過粗有規模至霍公而條目始備至周王
初三公則愈加細密蓋自有靈邑以來上下三千餘年經數君

子幾次參稽釐定始克成書使及今而不亟籌修補不獨近今百數十年流風遺蹟聽其湮沒坐使板片消磨而數君子已成之書所載三千餘年之往蹟亦任其淪亡而莫之惜其咎將誰歸乎余蒞斯邦五年矣方余之始來也中原軍務甫清西陲回氛正熾兵車絡繹民困未蘇城內不聞書聲鄉間迄少學塾於此而議修志其誰從而助之今幸海宇蕩平連歲豐稔民間咸以詩書爲貴書院屢常滿城鄉各義學誦讀之聲琅琅不絕而登鄉薦者亦漸有人是時李匯川先生主宏農講席已將兩載因與商曰余向者早有意於修志今其時乎爰乃集貲于甲戌五月設局書院卽以李先生總其事而以荆君梓趙君育桐提

靈寶縣志

附卷前上

古文

二十六

新豫印刷所承印

調一切餘子則令分頭採訪至於參稽掌故詳核例章又惟幕友高君春騰是賴不數月規模粗就大率條例悉仍舊志略者詳之漏者補之繁者刪之疑者闕之異於昔者量加更正採自今者悉爲增入有條不紊無美不彰書將成而余適以調簾去乃屬在局諸君而告之曰是役也幸賴諸君相與有成不惟周王初以前數公之遺緒不致廢墜從此君子有所觀摩而爭爲循吏野人有所感觸而勉爲良民卽後有作者訪仙蹤于函谷溯往哲于宏農再欲修飾潤色以成一代之典章亦有所憑借而不致嘆杞宋之無徵也則今日修志之功顧不鉅哉余行矣是所望於諸君子

舊志序

光緒丙子

邑方胙勛

靈邑縣志之修始於前任周君書未成以事去余於光緒乙亥秋來攝斯篆值鄉民尋畔後予下車相與安輯而拊循之他務促促未遑也越數月邑紳楊君建侯進而告予曰縣志之修前任未蒞事懼且廢墜請成之余曰踵而行之易易耳乃視舊所捐募者鳩集而重梓之告成於丙子秋邑人以序請余忝膺此土不可以無文辭夫志之源流山川風俗之沿革人物之盛衰前人敘之詳矣予不待序獨念夫順治年間江君名繁來蒞此邦首以蘇息民困爲事時邑有灘地數百頃荒糧八千餘邑之人奔走賦稅幾不堪命江公首請豁免乃一格於吏議再格於部議既乃痛哭流涕爲民請命卒以誠感大吏而大吏亦遂上其事於天子詔下豁免邑之民慶更生焉噫今之民皆江公所遺之民也向微江公則茲邑賦稅之重更數十年而民將流離逃亡不可救余是以爲靈民幸而益嘆江公之德於無窮也茲志之成士民宜有觀感後之宰斯土者於江公之遺愛與江公所以爲民蘇困之心毋亦有所觀感而興起是則余所以爲後序之意也夫

補修縣志序

民國七年

邑崔雯

夫邑乘之所以補史之缺也史則合天下之郡國沿革山川人物擇其大者遠者語從該事從括攝要而書之不能於一邑一

鄉之事搜採無遺者體例之所範簡牘之所限難備載焉非略也于是各邑之人士恐文獻之久而湮沒而邑乘作矣靈寶有志不知所昉其見于弁言者有明嘉靖而後凡十餘修而成今志舉凡天文輿地沿革建置學校禮樂風俗土產賦稅古蹟職官選舉人物藝文以及外紀譏祥關乎靈寶之掌故者莫不釐然而大備改革以來數經變亂簡冊散失若賦稅則八九十六二十三至二十九戶口則十七丁地則二十二陸墓則四十四十三職官則一二九十六十七諸篇蓋缺歷任之官斯土者皆未遑從事于斯_斐丁巳秋八月蒞任亦未暇及既于民生之利弊可因可革盡其心求之而有緒數月公餘有暇輒會紳耆

而詢邑之所當先僉曰邑志缺而未補誠憾也_斐取而讀之深愍其既成而復缺恐無以垂久而信後思有以補而完焉以混邑人之憾第山川土地於開闢而俱來古今之不易者也人物政治經歷代以成制史冊之可稽者也雖造化之所生運會之所迫時易事遷前後輒異要皆人事以爲之夫豈有一定哉人生天地間不能有所樹立扶持乎世道人心振大義于將頽挽狂瀾于既倒垂法後世上媿古人縱著書立說言有可述亦云末矣乃守殘抱缺斤斤於一邑之志乘有所補綴果何益於時乎既而思之語曰君子思不出其位_斐官于斯卽于斯盡其職焉可矣邑志有缺守土者與有責焉况乎陵谷變遷名稱改易

文物興廢風俗醇漓因世因時難同今昔不有以存之後人將何所觀覽耶不揣固陋亟爲補其所缺以成完善並敘述顛末俾後之來者知嬰之用心不訾爲不急之務也幸甚

重印縣志序

民國二十年

邑楊繩震
令

溯自去冬繩震承乏斯邑適值兵燹之後十室九空詢悉縣志散失已盡疊奉命令征集極力搜求類皆斷簡殘編難窺全豹聞諸耆紳舊板尙存爰呈請核准重印五十部以資存送惟閱是志創自前明嘉靖年間至民國七年而止其間重修十餘次克臻完備然自民七至今又十餘年矣時事滄桑政治廢興不無可載如八年地震十一年桿匪老洋人陷城十三年豐收自

靈寶縣志

附卷前上

古文

三十九

新靈寶印刷所承印

此而後兵匪旱蝗浸災頻仍迄無寧歲十七年隴海火車抵靈陝潼汽車道路工竣十八年老子故宅夫家山諸名勝被毀是年冬黃河大凍十九年軍事告終二十年裁厘清鄉自治選舉國民會議代表等要政均皆奉令舉辦是年春青黃不接哀鴻遍野災情奇重城鄉之間共設粥廠六處每日災黎就食者數萬人並奉令辦理平糶遷徙流民以澹沈災而培元氣是皆數十年中所罕見者姑舉數端以供重修之時採擇焉是爲序

觀民樓頌序

賀 賚

靈寶古虢國也其地爲天下要會文武周召循行而營治者于今有遺跡焉桃林之牧甘棠之吟其國風民俗熙皞泰和宛然

在日繼周而秦其政乖其民流迺函谷關門遂爲諸侯畏途楚漢唐宋雖代有沿革而皆以形勝日尋干戈民不見德志乘可考也明興二百餘年休養生息漸爲樂土先達如許氏諸公英賢輩出樹勳王國後先相望人傑地靈而靈寶之名重天下邑城舊有東西南三門門各有樓皆通衢惟北城外邇黃河多荒莽無門與樓其內卽邑長公廨前爲琴堂爲鐘鼓樓頗快仰止論者謂目前明遠而主座後依負未稱宜於北城倍增高厚爲臺爲樓以重居守凝風氣顧前此事因循憚勞費闕焉有待邑侯王公敦大明作蒞任甫年餘八政咸修百廢具舉時和歲豐民安物阜當道者且屢檄督修城垣公慨然以樓爲經始略基

址程土物量工命日西屬三尹霍岡趙君專領其事力以募傭材以計會不煩閭里境內晏如公戒勿亟而浹旬之間樓已屹然告成矣基之廣袤十六丈皆甃以磚石樓高三十六尺曲棟重簷規制壯麗輪奐輦飛歡頌同聲具瞻有美侯覽而樂之題其上曰觀民樓余不佞乃屬爲之序於乎予觀于樓之建而知公體國之深也觀于樓之名而知公觀民之至也夫樓于吾邑弗可已也弗可已而已皆以傳舍視官者也公身任其事於吾邑大有造焉非誠心體國者能然耶樓遠于民者也遠于民而以近之民其如樓何哉公不以登眺娛樂爲意而惻惻焉惟民之察是公之志常勤乎民者也體國忠也勤民仁也前乎此而

侯者當于公之樓而讓忠焉後乎此而樓者當於公之樓而推仁焉公其功大而德遠也哉抑吾於公觀民有感焉山川在望風土依然此非分陝之地二南之國耶耕食鑿飲于于詡詡非文武周召之遺民耶今聖朝圖治比德成周公以安民爲職登斯樓也時而省之將祁寒暑雨惟曰怨咨者乎將騶虞鵲巢室家胥慶者乎將必以關雎麟趾之心幽風無逸之政循行勞來使民爲周召之民者乎易曰觀我生觀民也其斯之謂與由是而觀國之光用賓于王中正以觀天下而公之名世且將爲天下觀矣豈惟觀吾邑之民耶遂撰次其事而終之以頌頌曰奕奕靈邑背坎面離三門聳峙惟北迺卑占之卜筮揆之人謀僉

曰剏建風氣攸宜英英我侯超前軼後爰度爰咨事若天授崛起崇樓霧滃雲湊千里具瞻萬民庇祐公曰斯樓觀民斯取民之休戚惟吾所觀所惡勿施所欲與聚民不二南何以報主二南維何甘棠有歌我觀我民有用咸和後有觀者民福孔多於萬斯禩樓頌無磨

重修廟學記

明劉建

靈寶古西虢之地漢爲宏農縣隋爲桃林縣開元末於其地得靈符改靈寶今沿襲以名縣學在治之東南國初知縣熊君飛剏建規制卑隘正統乙丑鳳翔秦君時中重修之視舊規有加今四十餘年屋宇自老不支師生病焉成化丙午遵化李君恭

來知縣事自初視事詣學卽有重修之志節經費儲材料凡五閱歲宏治辛亥六月乃謀諸縣丞王君銓主簿井君恭典史金君鑄興鉅工踰年八月工卽告訖廟之殿廡廚庫學之堂齋號舍以及各門墻砌道規制一新又加秦君之舊焉以其餘力復增飾祭器悉以竹漆易陶瓦自是學之師生供祀事業講習以嚴以潔而不病乎燕陋矣縣當關陝要衝景泰中余以先人任陝西屢過之時其學方乏科第而一時諸生嗜學者衆許君進何君鈞尤秀出等類余觀諸生之所負如此行將不乏科第矣未幾果聯翩捷鄉薦許何二君先後又第進士許在都憲今出知袁府何爲監察御史余言無不驗焉成化末余奉命西祀嶽

靈寶縣志

附卷前上

古文

四十二

新編印刷局承印

鎮又過之向所識諸生或出仕於外或物故無一在者李君恭己爲縣於是謁余公館問之能一一道其詳時關以東諸縣經暴雨道路齧多不便行者而靈寶獨完治余愛其才因進與言禮貌之今日新學之役固有自哉夫今之出州縣者非瑣瑣與時俯仰不事事則剛愎鹵莽以獵取聲譽能於是舉行首務爲朝廷興賢育才者幾何人若李君者不謂之賢乎何君守制居家適見廟學之成特具事狀爲請記余久與厚善重其請且嘗以邂逅識李遂次其剏修顛末並余之所欲言者俾刻之以識歲月又因以告後之士大夫得考論故舊焉

重修文廟記

邑令 吳奇遇

天下之治治於人才人才之興興於學校甚矣學宮者治化之本源國運之休隆胥此焉出非一切神祠所可比擬者也戊戌夏奉命宰靈肅謁聖廟瞻拜之餘見葺理維新工將告竣廟貌巖巖古柏森森覽而快之既而明經楊君州杰青衿李子均許子鉅楊子清韓子炅烈者謁而請曰邑之黌宮多歷年所矣前代遞修碑碣林立國朝定鼎以來晴川江公繫後三韓許公埏蘭亭俞公琨接次修葺皆某等後先董理其成而今迭更駛如傳舍未遑記也逐年來風雨侵蝕聖殿之東北坍塌一隅廊廡碑坊亦漸傾圮典鐸王先生司訓李先生目擊心惻幾欲興修而寒毡冷署綿力難舉今春幸際天中別駕馬公來攝靈篆下

車謁廟時兩先生隨以聖殿請公環視毅然曰是予之責也遂捐五十金刻期鳩理而兩先生亦輸四十餘金以佐其不逮於補修聖殿外凡東西兩廡檠戟櫺星二門名宦鄉賢二祠及牌坊泮池次第聿新且於正殿之四旁加立四柱於宮牆之兩邊創造雙橋此又曠前人所未有者是役也興工於四月初告成於九月中事竣立石丐言以誌顛末余聞之喟然曰所貴乎有司者以其能治民事神修廢舉墜耳况學宮爲育才之藪尤其亟宜留意者乃百不得一焉今公以五日京兆捐俸金倡義舉能令殿宇輝煌煥然改觀洵德政之大端不朽之盛事也而兩先生協恭和衷共勦厥成若此善之大者又何可沒也哉三代

往矣直道猶存宜紳士津津稱之而不能置諸口也余適際其成而義不容辭諸君之請遂援筆誌之以爲後來之君子勸

叛建函谷關門卡記同治十二年

周 淦

函谷關卽古桃林塞周時在德不在險弗重也至秦爲重關六國爭之楚漢之約亦謂先入者王蓋關實據天下形勝一夫當關萬夫莫逞故昔時皆以重兵守之漢唐以來天下一家關久不閉逮我朝定鼎燕京以德化民此關不過豫西門戶於天下大勢無與焉咸豐間粵逆倡亂天下騷然同治初是邦兩經匪擾未聞有議守此關者今皇上親政伊始海內蕩平惟西陲餘孽未清游勇充斥行旅病焉余承乏茲土職等抱關爰請于撫

靈寶縣志

附卷前上

古文

四十四

新豫印刷所承印

憲設關以稽計捐銀二百二十兩鳩工庀材添置關門一重關東北闢地三弓建官廳三楹兵房兩間關上舊有猶龍閣奉老子像閣前雉堞殘缺不齊旁則廢窰數孔漸就坍塌概令修理完善繚以墻垣工始於本年三月初十日閱兩月告竣卽於五月初十日選派丁壯隨同營兵駐關稽查規模宏整防範謹嚴自西來者始難飛渡易曰重門擊拆以待暴客禮曰關譏而不征蓋守土者責也然則是役也雖非聖天子尙德之意倘從此匪徒斂戢行旅獲安亦庶稍盡守土之責云爾

虢州三堂記

唐 呂 溫

應龍乘風雲作雷雨退必蟠蟄以全其力君子役智能統機劇

退必宴息以全其性力全則神化無窮性全則精用不竭深山大澤其所以蟠蛰乎高齋清地其所以宴息乎虢州三堂者君子宴息之境也開元初天子思二南之風並選宗英共持理柄虢大而近非親不居時惟五王出入相授承平易理逸政多暇考卜惟勝作爲三堂三者以明臣子在三之節堂者勵宗室克構之義豈徒造適亦實垂訓居德樂善何其盛哉然當時漢同家人魯用王禮棟宇制度非諸侯居後刺史馬君錫因其頽墜始革基構豐而不侈約而不陋以琴樽詩書之幽素易綺紈鐘鼓之繁喧惟林池煙景不讓他日觀其廣踰百尋深入重扃迴塘屈盤沓島交映溟渤轉于環堵蓬壺起于中庭浩然天成熟

曰智及春之日衆木花折岸蒲鳥織沈浮照耀其水五色于是乎襲馨擷奇方舟逶迤樂魚時翻飄藥雪飛泝環迴隱映差池咫尺迷路不知所歸此則武陵仙源未足以極幽絕也夏之日石寒水清松密竹深大柳起風甘棠垂蔭於是乎濯纓漣漪解帶升堂畏景火雲隔林無光虛甍沈沈皓壁如霜羽扇不搖南軒清涼此則楚襄蘭臺未足以滌炎鬱也秋之日金飈掃林荔鬱洞開太華爽氣出關而來於是乎弦琴端居景物廓如月委皓素水涵空虛鳥驚寒沙露滴高梧境隨夜深疑與世殊此則庾公西樓未足以澹神慮也冬之日彤雲千里大雪盈尺四眺無路三堂虛白於是乎置酒褰帷凭軒倚楹瑤塔如貞玉樹

羅生日暮天霽雲開月明冰泉潺潺終夜有聲此則子猷山陰未足暢吟嘯也於戲不離軒冕而踐逸曠之域不出戶庭而獲江湖之心趣盡懸解跡同大隱序閱四時之勝節宣六氣之和貴而居之可曰厚矣若知其身既安而思所以安人其性既適而思所以適物不以自樂而忽鰥寡之苦不以自逸而忘稼穡之勤能推斯心以惠境內則良二千石也方今人亦勞止上思又息州郡之選重於廷臣由是南陽張公輟揮翰之任受剖符之寄遊刃而理此焉坐嘯靜政令若水木閑人民如魚鳥馴致其道闡然日章小子以通家之愛獲拜床下且齒諸子侍坐於三堂見知惟文不敢無述捧筆避席請書堂陰俾後人知此堂非止燕遊亦可觀清淨爲政之道

老子故宅碑記

元高凝

老子法崇太古尚簡質者也太史公曰李耳無爲自化清靜自正漢之時孝文皇帝始敦尚其說躬體元默勵儉素致天下富殖囹圄空虛俗恥浮僞斯其可徵著在史冊若夫九丹八石玉醴金液絕穀變化役使鬼神之術迺方外學罔或可迹靈寶陝屬縣古桃林也縣郭之北澹黃流而倚原阜南望函谷有古道觀焉石刻曰老子故宅道士許姓真號者主之按老子楚苦縣人周守藏室吏也嘗去周西至函谷關吏尹喜強之著書唐天寶元年元宗於函谷關尹喜故宅求老子所藏靈符得之遂改

桃林曰靈寶用是知茲地豈尹喜故宅老子著書所也世謂老子宅者殆必始於唐蓋以求符改縣之誤不必多辨然唐世祖之至追諡混元尙德皇帝好事者尊崇是道以神其教者之所爲也太元元貞改元之春安西賢王北觀還道靈寶微服踵此遺中統寶鈔三百兩俾充琳館增修蓋是觀老子之所寓止畀付指授元教之所發跡固道家勝地千古奇遇居之者必將有觀感興起一振玄風爲天下斯教祖源以訂無爲有爲之本旨會將見雄樓傑閣彤庭絳臺倚金疊碧麗乎日月灼乎雲霞鰲斷而山倚輦飛而天蔽爲天下壯觀固當有待恐非崇古尙質之謂而識者蓋未取也道士許懇請誌諸金石以彰賢王首事

之美禮曰大輅越席皮弁布裳朱紘洞越太羹元酒所以防其淫侈救其彫敝斯皆賢王所取乎老氏者爾非然我國家化理清明方堯舜三代之道是務甯知慕方外無迹之學乎王以介弟之貴藩寄之重富通帝室能取儉素自節誠皇元本枝百世之福也於是乎書

重修夏直臣關公祠堂記

進士 熊正德

世之忠於君者有能舍生取義殺身成仁亘古至今數人而已蓋愛生惡死者人心之所同也况夫身體受之父母必全而歸之斯爲仁故孤死邱首仁也然君臣主義事君能致其身斯爲盡臣之道故事親有隱而無犯事君有犯而無隱服勤至死則

一而已夫以六尺之身為臣死忠爲子死孝斯無愧怍于俯仰之間矣苟惟貪生惡死於諫君也不能犯顏以格非撻鱗以觸諱逆耳以攻其惡雖能偷生於一時夫豈臣子職分哉抑觀古之謇謇諤諤者眞爲門墻之罪人宜乎後之聖君賢臣於前代之忠烈者必表而出之廟而祀之也有夏關公龍逢諫而死者也按之載記夏之末造海內諸侯叛桀公引黃圖以諫之桀焚其圖而殺公蓋公之忠肝義胆生則貫日月動天地公之忠魂義魂死則以銷金石而不磨銘霄壤而不泯者陝郡靈寶之南古函關之西有其墓而無其廟宋紹聖四年知陝府者龍圖游公握憲節于此邦始建祠堂焉通判陝府通直張公諤及縣官

靈寶縣志

附卷前上

古文

四十八

新豫印刷所承印

李公由頤輩與之立石以記之日月逾邁風雨飄搖祠宇甯免頽壞矧中州之地薦罹變故燬於兵者多幸而有可考者獨其碑之僅存今天子踐祚初年首飭明詔申諭郡國凡古之忠臣烈士載在祀典者令所在官司重加修葺廟宇歲時率吏民致祭欽此惟謹大德四年秋本邑尹黃國用主簿張翔典吏劉禎奉州倅劉君從禮一言愍關公舊時有其碑而無其屋於是僉議於舊碑所仆之所邑之東門外百步許道北卜一所焉重建祠堂豎舊碑而置之屋壁每歲率吏民歲祭于祠以奉明詔崇明祀也乃屬余作文以記之予何敢贅辭然予觀古之忠烈如關公者其不一二人公獨表于夏之一代至商而後有比干焉

孔子以仁許之夫事父而有涕泣之諫人子之不幸也事君而盡許直之言至于殺其身而不顧亦豈人臣之幸哉顧義而不顧其身也厥後漢朱雲盡忠天子欲斬佞臣則願從龍逢于地下而與之遊唐魏徵以龍逢已櫻禍誅君陷昏惡亦臣子之不幸也所以願其君俾之爲良臣無俾之爲忠臣也夫以成帝雖非賢明之君然卒于留折檻而不加葺以示當時直臣之旌太宗眞英主也而不能無會須殺此田舍公之意而形之言漢唐之君是非得失之相半往往皆然未有如夏商之季其無道之甚也此龍逢之忠自比干之外無與比肩而立者也宜乎盛德必百世祀昔日墓存而廟未建已廟矣近代碑在而廟不存今

重建其堂而文之石仰盼游公輩于百世之上可謂有光矣予敬撫其事之終始而爲記庶後人之過其廟而誦記者足以激勵感發作興於數千餘年之後夫豈不能盡忠事君如公者哉不然則依阿苟容以明哲保身藉口予恐關公笑人於地下云

龍逢塚記

明秦時中邑令

正統辛酉春予始知靈寶暇觀桃林誌載厥塚去縣治西南一十餘里在焉感而嘆曰昔聞其語今見其實何其永久獨高而不隨風雨之平哉因事經瞻塚列三四亦無石記詢之長者此地惟一塚最高者是雖出遺言固可徵信而未免疑於是敬率僚屬造厥地下筮攸同方釋中疑肇築垣植木記石道側題氏

名塚大書深刻俾仕者經觀不勝感激而自愛夫賦畀之重不苟圖祿位以貪生焉且生與死對死生亦大矣當桀之時伊尹既退面折者觸雷霆之威廷諍者犯千鈞之勢同休戚者孰肯爲國爲民而直言哉惟龍逢以剛大正直之氣懼乎夏道之不興禹祀之不繼而臣子職分隳焉想夫慷慨有餘氣象充然披露情愫直達其隱於冕旒之前效竭忠誠明指其事於廟堂之上斯時也滿腔之內所存者純仁也極口之所言者惟道也何暇以死生計念慮而避鼎鑊之威勢哉則忠肝義胆照耀古今使人景仰於悠久矣然龍逢見殺在當時廷臣大小百職事若從容無隱同出一辭必無皆殺勢庶逃南巢之放而衆庶卒莫

敢言此龍逢之所以爲龍逢也明矣使用其言必先用伊尹而去妹喜則夏道復興誠易少康崎嶇離亂之間多矣而履癸修德固不及成湯尙冀庶幾太甲者歟卒惜夫忠言讜論一則不勝乎暴戾頑狠貪虐荒淫之素一則不抵乎傾國培塿肉山酒池之娛此桀之所以爲桀也亦宜矣或曰龍逢沽名與夫事君以不欺爲忠豈顧其榮辱哉又曰龍逢過中與夫中者天下之正道也夏道將墮而扶持尙慮不及豈有過之者與不然以忠心爲忠中立而不倚者國無道至死不變信矣使過於忠當時成湯不必使人哭之後世朱雲不敢願與同遊予謂其適中者龍逢也忠君者龍逢也志節梗卓終窮天地者亦龍逢也或人

信其然矣噫仕者吾道之表有言責者固宜盡其忠君惡未至于桀不可用欺心以激諫存心未到於龍逢不可托斯人以銜直

創建城隍廟記

張

統吏部
尙書

鬼神者造化之迹有可知者有不可知者而凡氣之淑慝年之豐歉人之壽夭事之吉凶必有主張而綱維之者然而有感必通或與或奪其所以然之妙則固不可知也惟其可知故人當盡事神之義惟其不可知故人當戒瀆神之禮禮也義也在人識之耳今聖天子奄有天下混一四海普令函夏凡府州若縣有城與隍者則有司土之神皆廟祀之仍像繪其制以圖門垣

靈寶縣志

附卷前上

古文

五十一

新豫印刷所承印

殿宇森嚴邃密秩然有序視所在之公廨加偉焉斥去淫祠或專崇奉於以妥神之棲俾公禍福於一方制下日有司各趨其事於是河南靈寶知縣熊公彥升乃相厥宜於縣之坤隅其地爽塏其土堅良庀材召工按圖以立基計程以襄事智周力均人不告勞不踰時而功乃竣渠渠其屋崇崇其墉爲境內之壯觀而靈寶之民得寓目者莫不悚畏可以懲其心而悛其惡又明年春二月熊公將置石以記顛末統既承命謹述其實而重之以言曰惟明有禮樂惟幽有鬼神其理相爲流通所以維持世教而警發人心可謂至矣故有國者莫不崇奉以致其神化之用或者不察朝廷事神之本意乃欲倖斯須之福而釀造次

之禍不亦惑乎傳曰敬鬼神而遠之然則盡事神之義而不至于瀆者熊公之謂也敢以是爲記

重修公解記

張 統漢陽人

靈寶縣挾山跨河中函大路曩有元失馭兵亂紛拏城郭間蕭然瓦礫而已故其邑爲甚敝國初天戈西征定關陝取靈夏大兵無慮百萬凡再往來故其事爲甚劇然而化敝爲良轉劇爲易抑亦在乎人焉知縣熊公下車之始睹舊治之荒頓慨然奮志於是計徒備具畚鍤度財鳩工不亟不徐起其橈完其缺飾其墁蒞政之堂退食之宇賓幕吏廡儀門更譙以次就緒其後爲三宅令直其中東丞西簿左脅爲典史右脅爲諸吏遵定制

靈寶縣志

附卷前上

古文

五十二

新豫印館所承印

也共爲九區不啻百餘架內外規制煥然一新均其役故人不勞宜其用故財不匱旣勤且智故迹雖舊而功實倍之於是吏服其敏民感其德相與喜其成而以是告于秦人張統且請爲之記竊維數口之家一廛之宅室堂庫廡所以明等威而辨物采上下秩然况靈寶爲古名邑有君子焉以觀其政有小人焉以仰其威而布令之所豈可委而不節哉今廣輪之內爲縣者百千區攻之營之皆是物也然而志怠者或陋心侈者尙華不陋不華熊公有焉欽惟天開景運太平伊始應列宿而宰百里者所宜盡心焉以體聖天子保邦致治之意百廢具舉而庶績咸熙則厥職爲不瘵矣然則是役也固熊公維新之政其亦國

朝維新之政與

無倦堂記

武康 海狀元
功康

平原張君時芳治靈寶之二年爲嘉靖丁亥政通人和百廢具舉矣以縣治頽敝不可坐待其盡稍事葺理咸適完好已乃作堂于縣廳之後命曰無倦去年予以子栗求婚見山楊氏過靈寶成聘見君經營是堂製不加奢而材惟適用心甚重之今年攜栗成好再過是地乃宴予以堂飾無丹雘之麗坐有閑雅之妙簷楹堅簡崇不踰丈官廨之作殊不多見也往在初營君以記請予顧厥功未成至是君復申循前約遂以君命堂之意及作之之難書付貞石詔厥後至夫有司之守在節財力致安養

靈寶縣志

附卷前上

古文

五十三

新像印刷所承印

而已士窮居無事誦習先王之道苟有所寄則未有不以此爲先務者然勤之于始或不能究之于終加以上吏之摧阻歲事之乖變雖有愛民之念靳不得施疑畏參于中而敏敢敷于外窮居誦習之初心于是乎倦矣夫上勞則下未有不逸者也上先則下未有不勸者也一涉于倦則是二者舉無以慰民之望而國家建官分職之意與我所以修于家而用于時者咸以負矣豈士之所以自待哉靈之民田瘠薄而賦厚重加以治河之役迄無寧歲雖是堂之構亦已難矣後之君子能以君艱難締造之心爲心思前人慎用民力如此而又以君名堂之義是繹所以圖厥先勞安養之方殆始終一慮而無以自偷則君之所

以加惠于靈寶之民將遠而益長而予記亦有光矣君其勉哉
天下之事未有不躬行於前而能以空言使人興行于後者也
君其勉哉

重修儒學記

邑人寇從化進士參議

自古豈弟作人每首重本原之地學校者固風化之原而致治
提挈之本也顧必有治人而後有治法蓋治非一成不變之軌
轉移更始是在人耳乃易之繫蠱曰先甲三日後甲三日繫革
曰己日乃孚蓋當蠱壞之時而爲變革之舉非三日之擘畫已
日之周詳固不能奪安常而與之慮始矣蓋眞儒之作用非取
辦于倉卒塗飾于耳目已也想其誦讀時非堯舜禹湯周孔之

靈寶縣志

附卷前上

古文

五十四

新陳印刷所承印

言不言非堯舜禹湯周孔之行不行一旦釋褐縮綬慮無不挈
本質而獻當世間有興革建明如探囊篋持左券總以眞學問
爲眞經濟治人治法固體用一原顯微一致者也靈治固文物
地其先世蟬聯鵠起代不乏人自丙辰之變則干戈搶攘沁入
骨膚當事者睽茲亂棼值孔道始難其人會福昌父母以賢能
課最大廷直指使乃以繁調請上可其議公以世家通才駕輕
就熟至則批卻導窾砉然中解三月間百廢具興狐鼠潛跡鴻
雁沾春靈邑其一變矣於是與博士議羣師生講課橋門坐皐
比進而教之復愀然曰新之時義大矣風氣人心有所以新之
則躍然起狃於故常則頽然廢方今凋敝之餘宮墻傾圯是猶

得膠一成之瑟耶矧士居四民之首震其意氣而解其嬉媮是
在今日則學宮之修務莫急于此者於是捐俸鳩工不數月廟
宇門庭堂齋廡舍與夫敬一射圃諸處宏敞壯麗視前日煥然
改觀焉先是櫺星門外有活水靈泉隘塞日久欄楯荒涼公親
蒞視示以整砌濬導之方一旦澄泓碧練有滔滔放海之勢或
者道脈之復人文之盛其兆于此乎工告成學博士山丹趙君
興平張君魯山孔君率諸友屬余爲記余惟教政之本也身教
之本也公承家學淵源言必有防行必有檢動必有禮簡澹沈
宏一以先民之範自程其著爲令甲頌爲條教率本道德仁義
而以自程者程人所謂眞儒經濟非僅僅補其罅漏而已繼今

四境晏然絃誦之聲無間遠邇其變倥偬搶攘而易以詩書禮
樂尤公之神于轉移而妙于更始者乎雖然時新時故者物理
也無故無新者人心也公以柱世之神爲作人之念俾後之遊
於是者入其門行其庭棟宇煥然則曰此公之築也桃李森然
則曰此公之蔭也士習之彬彬維然則曰此公之磨礪砥礪也
美則愛愛則傳是公之神無窮而公之新又與天壤俱不朽也
余不佞不能揚公之盛美姑撮其事以記歲月云直隸文安人
諱汝清號大元庚子鄉進士

重修儒學記

賀 賁

靈寶儒學自創建以來熊侯秦侯肇其基及時加修葺則苟侯

孫侯飭其蠱以至永齋張侯修泮池水講明倫堂巍巍棟宇壯麗而規模宏遠矣太師劉文靜公爲廟學碑記太傅許文簡公爲育賢泉賦大司馬許恭襄公爲雅樂碑辭而柱史趙見亭公大參彭東谿公亦各有文以光大其事學之文運亨嘉士氣振揚才賢叠出靈寶之名滿天下夫有所自蓋可以觀可以興矣邇來秋澤積潦廟宇堂齋及鄉賢名宦諸祠圯壞滋甚宮牆外望講誦無所邑侯張公下車釋菜閔然念之謂有司者務莫此爲急然時詘舉羸勞費孔艱意弗獲已乃鳩工於募役庀材于贖金程以賢僚督以能吏經始于丁亥之冬水昏正而裁度成于戊子之夏龍見而竣事民不知勞而功已就緒廟廡維新堂

祠旣飾賓師之官邸生徒之序舍亦皆繕治美完瞻依秩祀儼其儀游息藏修裕其地侯之有功於學也大矣哉署邑篆中山韓君學博祥符馬君鬻林楊君許州牛君多士何鵬年張德焦縑許茂根何光澤彭桐等屬余爲記以勅侯之績以示後之侯于斯者有所稽而繩也余惟學校興廢係人才之盛衰關國運之隆替辟雍庠序虞周尙矣青衿歌而鄭衰泮宮咏而魯盛侯之爲是役也其所見者大乎其知先務之急者乎且優厚諸生時其廩餼供其匱乏立文社以課其功建奎樓以作其氣候之所以爲士者殷矣其濟美于名宦列侯而爲先達諸君子之所稱述可知已乃所謂見大而知務者乎我聖祖尊崇孔氏建學

明倫羣俊秀聯師儒所以養之教之者至矣是以國家人才上視虞周而吾邑先達於昭代稱最盛焉不有論道經邦賡歌喜起藩垣屏翰立德立功立言者乎不有効忠宣力抗疏讜議遺惠愛而祠祀尸祝敦孝廉而表正鄉閭者乎此皆邑里之先達學校所由出土固宜仰止而景行之也况教養日深作新具舉將必有奮勇接武爲先達之繼者乎噫斯乃聖祖建學養士之心賢侯興學有本之意乎我多士其勗哉張侯名君卜字思紹別號仰溪山東武城人庚午科鄉進士其治行循良別有記載此不備錄

重建明倫堂記

彭 範給事中

聖朝明文之化漸被普海內外郡縣罔不建學立師所以崇治道育賢才也靈寶明倫堂舊爲三間嘉靖辛丑大宰許文簡公在告謂此堂發跡之地首輸五十金鄉先生亦有資助時學博梁君秀廣爲五間惜未有記蓋缺典云皇上勵精圖治慎理人之選甲戌夏張侯奉命宰邑釋菜謁學見前無泮池而堂久就圯卽慨欲修葺以未信于上而孚于下也久之政通民和曰茲可使也請于臺省皆報曰可候先開鑿泮池暨坊建亭丹堊輝映詳具侍御趙公記中復捐俸金二十兩邑士太夫弟子員及鄉人好義者皆樂于贊助於是盡撤舊材爲教諭宅會何生以大木二本來輸侯喜曰天贊其成也迺命醫官趙昉何稱董其

役經始于丙子夏迄秋落成堂高基廣巍峩掀揭誠百年之曠
典而一時之盛舉也復以餘材建射圃文會神廚齋號恢宏壯
麗奕燁改觀侯其有功于名教矣乎司訓李君陳君率諸生何
宜呂棻許儵焦縵等屬記于範夫興學育才者義之所起也輸
情感誦者情之所激也侯有建學之功士進懋修之節不兩得
哉何也建國君民教學爲先王者之政也時教必有正業退息
必有居學大學之教也詩曰思樂泮水薄采其芹夫采芹何樂
也樂僖公之能修泮宮而托采芹以歌詠之也鄭人遊于鄉校
以論執政然明欲毀之子產曰夫人朝夕退而遊焉若之何毀
之國人作頌曰我有子弟子產誨之夫僖公之作泮宮子產之

靈寶縣志

附卷前上

古文

五十八

新豫印刷所承印

不毀鄉校皆所以重學校而崇清議也夫學校鞠爲蔬圃長民
者之任也學校修而教規弛司教之責也學修教立而業不肄
諸生之咎也昔李太白作袁州學記謂忠孝之節是惟朝廷教
學之意使人有所賴且有所法夫堂曰明倫諸生誦法孔子講
肄退食藏修息游高譚性命闡明忠孝之大節以聖賢爲歸格
致誠正以盡其性所以明此倫也修齊治平以盡人之性所以
行此倫也發軔于賢科際會于臚仕畢忠竭節求踐古人之迹
是學之大成也張侯建堂之意也若夫榮青紫于拾芥侈車馬
于稽古是弄筆墨以徼利達己耳非所望于諸生也古稱觀河
洛而思禹功號之士民觀斯堂而思侯之功亦猶魯人之頌僖

公鄭人之頌子產也豈非曠世而相感哉是役也財不取于公帑費不及于里甲役不逮于黎庶訟而罔理及作奸犯科者量力爲之廢舉而民不知勞事集而下不告擾侯之功其懋矣哉侯名慎陝西安化人辛酉亞魁先署教咸陽張君應舉協謀修構會遷掖縣尹去訓導富平李君廷實應城陳君德與典史石首王君秉中皆與贊襄之勞者也法得並書

靈寶縣糧差條鞭便宜碑記

賀 賁

邑侯松石王父母旣爲糧差條鞭之法士民始而疑中而信終而熙然樂以趨迺屯留簿史君光治詣余曰善哉邑父母條鞭糧差之法也至簡至易可大可久其爲吾邑之利也溥哉困憊

靈寶縣志

附卷前上

古文

五十九

新豫印刷所承印

以甦流移以復或習矣而不察或日用而不知其所謂大德無名至仁無恩者與且自吾身視昔省費倍蓰自吾族視昔省費什伯由此而推則吾邑之省可知也蓋雜出浮冗洒派挪移飛詭影射一洗而廓之故曰其利溥哉然邑父母賢勞旣久璽徵在卽吾人不可得久借也恐循襲者駕言以復舊好異者多事於紛更則條鞭之法廢而奸敝之隙開如吾人何願乞野史一言以勒諸貞石俾後觀者守而勿失庶邑侯之德政申錫於無疆斯民之樂利受賜于罔極矣吾人幸甚吾邑幸甚余聞其言而嘉之乃取條鞭事宜反覆簡閱迺見邑侯議均荒見二稅之原申上司批駁復查之繳報增減價額之輕重詳允之憲牌近

奉題准之新例申飭條鞭銀力二差之原行審編戶則之上下
扣算丁糧之數目劑量優免除豁之多寡蓋委曲精詳糧差俱
爲條鞭通融徵派迺所謂名色簡而花戶便于輸納行款一而
有司易于催比誠得爲政之體要矣伏惟高皇帝建國君民立
法定制天下郡縣爲兩稅三限之法以徵錢糧爲一里十甲之
制以均力役固一時創業之訐謨實萬世不易之宏規也迨民
情滋僞弊孔日出千態萬狀莫可究詰貧富相耀而甘苦不均
蓋至于困憊流移而觀民者之心益戚矣侯之爲茲法也其慮
遠其情深其言恫切而有餘悲其體國憂民補偏救弊以拯季
世之意乎夫琴瑟不調甚者必解而更張之易云窮則變變則
云

重修關帝廟記

賀 賁

嗚乎王漢臣也以身殉國者也自漢迄今數千載王之英靈如一日崇祀者遍海宇其福善禍淫視諸神爲烈以故老幼婦女兒童走卒莫不畏敬奉承疾痛愁苦必扳號呼泣若將臨之在上拯我於水火而致之衽席人人自以爲可憑依可期望也嗚乎王之英靈何其顯哉縣治良域舊有王之廟在門內嘉靖癸卯移置東關殿宇森列過者悚息歲時祈報傾城赴焉其西爲夏直臣關龍逢祠龍逢王之先世故聚而享之亦以見濟美之意云乙卯地大震廟甚圯雖時加修葺而工力不敷尙闕如也庠生荆君輒居近廟隅爲之心惻遂會耆民李漢王楠等二十

靈寶縣志

附卷前下

古文 古建設

一

新修廟所承

四人各捐已貲同募緣道人湯守鳳乃告邑侯鳳崗楊公督理在上於是聞者響應施者駢集喜功興事同力合作不日成之正殿樂樓兩廡煥然一新仍肖像而飾之以金儼若雄鎮荆襄氣吞吳魏威震華夏時也荆君等礮石屬余爲記嗚呼王之神明在百世實錄在國史感慕在人心末學曲士何能贊一辭哉然竊謂王之所難不在於斬將搴旗萬夫莫當而在于明燭達旦辭曹歸漢之行也其通天地互古今靈爽昭昭而不昧豈非一念之真正大光明與造化相爲終始日月相爲照臨者哉固當血食萬代廟祀無窮矣爲人臣子亦有願學王者乎噫王不易學也而辭曹一書其可以見王之心乎王曰丹誠者信義也

人能敦信明義無愧丹衷雖不祀王王必福之若乃背信忘義色取行違雖祀王王所不享豈足福哉噫知此卽可以知修廟者之意矣余故爲之記

九柏臺碑記

賀賁

九柏臺者臺以九柏而名也臺在邑南四十里虢略鎮迺古封虢仲之國在唐爲州往牒稱其花木水竹甲于天下每每以親王出鎮焉西山之原有紅亭山之半乃九柏臺磨崖遺記創于唐之王維岑嘉州客散紅亭之句蓋其時也歷世已久風雨傾圮鞠爲茂草野田霜露之所蒙翳狐虺之所竄伏見者憫焉至萬曆十二年鄉耆姚濟表郭彥河白欽郭彥湖孟君臣陳善等

靈寶縣志

附卷前下

古文 古建設

二

新豫印刷所承印

慨然欲修請練師竇冲林者爲化主冲林與其徒數人皆露頂赤足振鐸募緣盛署祈寒無勸息而達官長者亦皆樂爲之輸未幾財用完聚命工恢拓舊基鑿崖爲混元洞圖書畫其上前爲三清殿左爲三官殿右爲祖師殿前爲八卦香亭獻殿三楹殿之前左右則爲眞官靈官殿又前爲坊坊前左爲鐘鼓樓客舍各一甃磚石爲門門之上有觀音殿子孫娘娘殿其調停經畫皆出自冲林踰六載始成殿宇悉巍峨雄傑青黃相映丹牖交施雕甍炫朱紫之輝畫棟耀金碧之彩聖像神容莊嚴妙麗煥然一新矣視昔荒草野田霜露蒙翳狐虺竄伏者則有不同工成冲林謁余五體投地願借一言以爲記余因與冲林登臺

而觀東望二陵髣髴紫氣復來也西望瑤池髣髴王母復降也其南則項城秦嶺暮雨雪樵而其北則中條五老三晉之雲山北向也至若碁布星分烟村錯落浮玉流金川縈如線鬱鬱而含翠者臺上之松柏也滾滾而紛紜者臺下之世塵也晦明寒暄風雨雲霞四時之變幻無窮而杳乎其不可測也余悅然不知臺之高以爲山之踴躍攢立而出矣曰勝哉是宜爲之記夫臺之制先王以占氣而設是臺爲唐人占氣之臺與抑昔人見紫氣而作者與是未可知也夫臺至今存而當時青牛一去則不復返卽臺已成空跡而宮殿之詭麗又何足記焉殊不知地以有臺而勝臺以有記而傳築于前而遺記猶存故今之君子

靈寶縣志

附卷前下

古文

三

新鐫印刷所承印

有所考而徵焉今如無記後之君子有尋幽弔古者出何以爲證乎則後之視今不猶今之視昔耶嗚呼臺東壘壘而傾者非虢城之遺址乎花木水竹甲于天下而城中王侯第宅宏傑堅固而不可動者不但百倍于臺而已數世之後化爲禾黍榛蕪邱墟隴畝矣况此臺與吾不敢必其百世常新第將來有因記而復修其臺者則冲林得與摩詰並永矣冲林初有妻子中年棄妻子學清淨苦行力修常閉關三年岩栖水飲齒蔬果不火食談理道則言言入解所修有中陸村鳳仙庵墻底村玉皇廟縣西觀音閣皆有文以記之其徒孔和盛李和祿等相與同心協力共成厥事者法得以並書

又九柏臺碑文

李春榮

號之西聳然高峙者爲原原阜東豁其上寬平盤曲可登眺故老相傳爲九柏臺在李唐盛時爲郡刺史賓客往來遊寓飲餞之所客散紅亭之詩蓋謂此也宋元以來號旣廢臺惟有名而曩之翠色參天綠蔭庇地連袂悵離儼駟傍俟耀車服于行色囑烟落于望目者但可元想而荒苔頽礫且爲之極慘矣明興休養生齒逾二百年號雖不復郡而士民則庶而富焉富遂好施凡圯寺隳宇皆有修葺而九柏臺猶然荒蕪於是隱居篤老郭彥洪陳廷輔彭世登馬森何泮等謀創新之乃延羽士竇冲林募化董理期無渴絕前蹟予聞而嘉嘆以爲唐賢之遊賞舊

靈寶縣志

附卷前下

古文

四

新豫印刷所承印

風或可追也因與相契者一登觀之但見巖嶺有洞洞曰混元洞前有殿殿前中設香亭側分三官玄帝殿橫爲獻庭庭外有坊坊內左右列靈官眞官祠坊外樹塞門迤西南爲觀音殿戶甬道出其下迤北爲鐘樓而殿旁隙地則道房齋廚靡不俱備其大勢之恢廓境中所未有也至其中簷阿之華彩廉隅之整飭神像之莊嚴棟壁之金碧駭心恍目豎髮悚體有不啻側身神霄玉府中對寶光謁眞宰者豈意盛美侈唐人之前規以至此乎所費非萬金不能致矣不知寶師何成功之大且速也工起于萬曆甲申歲七月至今癸巳之春工將竣師先昇化去邑侯山東禹城鳳岡楊父母旬宣暇常一臨視見師之遺像因以

其實詢予予爲道其詳侯已命余作壁石記之矣夫臺也廢于昔一旦復興于今夫師也修乎臺幻身宜與臺俱久而且不可久淹塵世卽一時之感慨係之矣况古今之興廢不常有如此臺者耶然則登斯台者寄清玩于四時達觀之闊懷也慕芳景于山川眞樂之遺况也其或瞻像起敬凜神明于如在見修作福種善果于後緣則是台也所關殆不細矣繼師之志事而光大之弟子孔和盛李和祿等丐予以是筆之貞石鳴師之勞且以罔不朽予爲記其始末如此

薛公神道碑銘

張泳翰林院庶吉士

靈寶薛公卒三年矣吾友趙衡九克疑以狀附書乞爲文碑諸

靈寶縣志 附卷前下

古文

五

神道蓋公三子伯仲皆早世季嬰沈疾孫輩穉弱故責在戚若友而衡九則以戚若友之志至者也方歲丁丑予初以庶吉士就職館例于前輩依科目具素柬通謁號認啓其已仕京外者後隨所至報謁公于予分爲大前輩而在予又爲鄉後進惟是時公權任江蘇按察使事予亦以里中重衺乞身歸故認啓從闕竟未以寫平日之嚮而公未數年卽捐館舍懼余言之不足爲公徵身後而或陷于有愧詞也謹按狀彰其概焉公諱書堂後更書常字世香別字少柳曾祖考鍾英太學生祖考純德父柳溪先生一士廩貢生贈光祿太夫嘗讓產庶母弟以悌聞妣李氏贈一品夫人生公未成童卒蘇太夫人撫公成立事之盡

其道弱冠爲縣學生刻自勵時生計頗艱請于光祿公欲授徒以所入繕給不逮光祿公不聽歧其志及舉道光二十四年甲辰恩科鄉試連試禮部不第考授官學教習期滿當銓知縣念光祿老公銳欲以民社試希祿養光祿公郵誠謂知縣肘掣于右署有志不得申或僨事且爲學宜大其器毋躁進要以同縣有明許襄毅公父子爲法公得書痛自責併力攻帖括業儔輩罕見其面又念少離李太夫人膝下不獲盡一日養更缺顯褒泉壤無以爲子奮觸勤應苦積償來咸豐壬子恩科遂貢殿廷以二甲第二名進士授庶吉士改編修直史館楷法爲都下所許時東南軍事未靖競自獻者多投筆行間爲進身階有狂函

靈寶縣志

附卷前下

古文

六

新豫印刷所承印

召公者以公工小楷幕府需才倚用可得大任公歎其書曰未聞小楷可以禦大敵其出處蓋猶稟光祿公教也咸豐九年奉命典湖北試得士稱盛文宗皇帝殷求治注意人才記公名任諫垣尋掌湖廣道監察御史擢戶科給事中入臺未數月奏劾河南大吏翫寇泄沓不思以固藩垣者固畿輔語中時弊風采凜著又奏溢河東鹽課額銀數十萬兩以裕帑儲條例各事宜載諸令甲十年秋西洋諸國北犯文宗皇帝車駕幸熱河詔協理五城團防仍掌臺務公念時局艱難詰奸禁覘不遺纖力期靖輦轂職稱克舉明年特簡蘇州遺缺知府時江南賊寇充斥城類淪陷仕官視爲畏途有憂公梘其行者公以爲人臣之義

不當擇官今霄旰方深南顧憂雖知險難無所遜避既奏對行在毅然就道至蘇檄知常州府未蒞事今相國李肅毅伯方督師規復吳江囑公司諸軍餉尋攝蘇松常鎮太糧儲道公竭忠抒慮無遺策歲得各口岸關梁稅金數百萬以濟饑需綜理海運防經檢制豪蠹悉剔胡文忠公善知人薦公可裨時用泊粵寇平論功擢道員賞戴花翎其之常州任也值城邑初克復戎馬蹂躪財物凋敝勞徠安集惠聲以孚減漕議行奉宣德意創立條規吏民則之同治三年將完蘇州城費鉅當路欲派民間公曰此泯泯奄奄之尙息人世者皆兵燹餘生也復以重役困之將不堪藩司項雖支絀若以工賑而徐請命于朝必獲允如

靈寶縣志

附卷前下

古文

七

所策行蘇州屬縣有以責逋幾成變者柄兵者欲臨以武公請單騎撫定民曰薛公福我不可負也皆遵約輸將無敢狠執旋改知蘇州府迎光祿公蘇太夫人至南中以整躬率屬之暇承歡庭幃蓋自筮仕後至是始遂養志願云居父憂回里未終喪皖匪竄擾關中前相侯曾文正公檄公轉運西征軍餉先是洪逆猖披時天子奪文正情墨經中全付軍事諭以金革無避文正卽本斯義起公駐陝州責以芻粟扉屨之供源源挹注期會無舛而西寇旋平積功加布政使銜誥授榮祿大夫覃恩推及三世賞正二品封典晉贈一品服徐復之官江南淮鹽之出江州瓜州爲轉運總匯行省用公治其事公鈎校綜核行輪運法

商民以爲便及攝江安徽甯池太盧鳳淮揚十府糧儲道統計河運利弊攬羣而役其所長茂實新猷帝用嘉賴授徐海河務兵備道是時省吏數遷除或以故去而公仕蘇久豈是措置裕如大吏倚之如左右手輾轉不令之他所授職數年之間五權臬枋一代藩儲駸駸乎疆寄是資而公以勞瘁不起矣當丁丑戊寅際河南連歲奇荒蘇太夫人居出積糧數千斛散賑鄉里適公于官所亦搏俸銀三千兩寄資賑貸此在人爲厚而于公則餘事之可紀者烏虓試綜生平而論之于其欲紆光祿之憂而卒難違命竟鬱曲以致其顯揚也是謂篤于孝于其不以楷書鬪捷梯榮而彙進也是謂介于守于其侃侃立朝警深難

靈寶縣志

附卷前下

古文

八

新豫印刷所承印

蹶不惜府怒而觸疆吏籌左藏也則迫于憂國謂之忠于其素位而行守官而仕泯汲汲戚戚之念而綽然于進退之際也則人以爲愚而吾以爲達至于迭試以煩劇之職重難之任鞭累于長綆絀于短舉綱遺細張目廢鉅非擅才藝之能又奚克兼濟如是哉公卒于光緒六年九月十五日年六十有六配高氏舒氏雷氏皆封夫人子三國仁國昌國磐孫祖澤祖宣于光緒七年四月初六日酉時葬公於夏直臣塚南衛原嘴泳敬爲之銘曰法家右姓許著勝國美恥讓專植學是力米鹽焚志祖考身承毋墜裘箕誚及冶弓凜奉飭教步玉署階史乘秘籍閱覽靡遺淵衷錄賢薦耀其冠策強籌富是用大諫稜稜骨表嶽嶽

風度宜贊密勿乃奉簡書虎狼之窟或虞卽殆五馬式臨枕戈
視事曾李胡公譽美廣忠事君以人建績酬庸鹽莢衍論轉漕
敷猷更歷監使叙功可哀乃曾祖父教忠世篤懋賞進膺疊賚
華軸生順歿安歸葬祖側剡石垂遠文豈云慙

重修大留村火神廟記

邑人許詩

靈寶南山自商洛嵩盧奔下按水經門水燭水皆出其麓合流
岷山爲宏農澗北入太河說文釋山盡曰岷郭璞書謂地氣界
水則止岷山率諸山而來儼然如王公大人長途駐驛憇息危
坐澗谷峯巒皆揖拱環衛然地之靈秀固有不容贊者山半有
地平衍如掌邑人據其勝北面爲廟以地居離位離爲少女乃

靈寶縣志

附卷前下

古文

九

新學印刷所承印

嚴飾女像以事火星環廟十餘邑北而虞芮南而盧洛西而湖
華東而嶠陝凡腫疼瘡瘍皆往禱之易疾爲安化凶爲福如響
如答蓋地氣旣鍾其靈人心又萃其神是以靈貺所及無間遠
邇或疑國家祀有常典火星爲七政之一陪祀昊天若非民庶
可僭夫禮以義起帝炎帝而神祝融雖天子之祭而燿祭亦不
廢於億兆掌六祈以同鬼神雖太祝之職而禋祭亦得及於黨
正况醫家謂諸腫瘡瘍皆屬心火禱瘍於火亦鬼神情狀感通
自然不然高皇帝文皇帝皆常嚴正祀典火星之廟勅建兩京
得通上下豈無謂歟余鄉岷山火星之祀證諸三王爲不謬質
諸二聖爲不背又何疑乎廟自正德間棟宇欹側丹青剝落罔

壯神居岷山里王宗道等乃募取工材恢闕舊制於嘉靖六年丁亥正月十一日始事於十七年十一月十一日落成中爲正殿三間樂樓三間鐘樓一間外伯王廟三間限以重門繚以週垣煥如鞏如高峙離位麗壯實枚再陪於初威靈顯異益彰於昔耆艾幼穉歡騰原野宗道等以詩爲土人亦多被神佑俾頌德勒之金石用宣其烈辭曰於維火星昭象於天幹旋生化獨秉其銓八卦錯綜匪火不濟九功修和匪火不繼帝王之世火政恆修祝融闕伯人沐其休心昧出入以救民疾見變修道以除凶濬國家肇興厥嚴惟祭火星之祀兩都罔廢陝虢之域其民惟夥以禮火星在禮爲可元陽愆熱爲疾冲冲往禱斯彌下

靈寶縣志

附卷前下

古文

十

新豫印刷所承印

民胡癘禱之以行百福是荷禱之以儀神靈豈和願惟岷山祠宗弗稱乃悶乃恤斯答神應岷山辟咄河嶽景員弈弈新廟孔安厥神松柏鬱鬱雲物颺颺頌在金石於千萬年

女郎山碑記

邑令王田

夫庇民翊國神焉是依而崇德報功義所當盡故凡可秩諸祀典者歷代莫不尊禮况山川之神有功於民顧不及耶蓋禮有常經而無定用故君子不必拘禮之有無而視義之可否神有異施則人有異報禮可以義起俗可以義從苟泥於迹非善權禮者也邑南八十里山曰女郎巔有聖女祠旁有泉池冬夏不竭禱雨輒應志以靈泉著之究其源漢時山下有李姓者有二

女長曰玉真年十九次曰妙真年十七鄉隣求姻二女不與父母怪而問之曰女有夫家指此山也一日姊妹俱遁不見父疑而尋之果見二女在岩石問曰何謂也女曰此山夫家也遂結茅共居一旦二女同時昇仙而去其旁有洗面水石盆五子石爲驗凡祈求蠶桑無不感應由此言之豈但禱雨爲然而女郎之義從可識矣迨歲辛亥徂暑弗雨邑人請焉因率僚屬弟子員及諸父老詣山祠祈之如禮覆降於泉泄水而下不二十里而雨嗚呼久旱有此於志相符茲雖民望之切而感通何速耶夫有是神異渾乎造化同流綽與后稷比德而不與常祀理耶於焉時取春秋之分禮如龍逢八蜡儀制春祈秋報古有行之

靈寶縣志

附卷前下

古文

十一

新豫印刷所承印

是禮也其庶幾乎若夫雨暘時若涵育生成奠斯民於壽域普霖雨以徧天下者是固祈報所深願而不忘者也神其鑒之時司牧者丞有張君濟山東茌平人黃君魏四川巫山人簿有宋君天祿山東朝城人典史有劉君克清山東賓州人數文教有邵君鼎山東益都人譚君宗儒陝西寶鷄人楊君錢陝西臨洮人皆相與致告而議禮者也於是乎書

東崖精舍記

尙書劉

龍上黨人

靈寶城內有土嶙峋壁立高數仞廣可十餘畝與東城相附着其上又特起數堞邑人目之曰東崖竊意靈寶古函谷關外地秦以崤函爲宮卒家六合其地多崗陵險阻利於出攻而不利

於攻之者故耳邑城之建豈亦因其形便芟削有未盡者或存之以側景望氣或爲登覽賞識若卷阿然皆不可知使其特築當不若是以高且大而迄以崖名則非人爲之意也其下爲冢宰許公第故東崖爲公有而因以自號公常爲戶部侍郎謝政歸作精舍於此有亭翼然曰養閑有洞窅然曰獨樂有臺竦然曰望華繚以周垣雜植花卉從容憩止日惟圖書自娛親舊造之則命酒彈棋盡歡而罷崖中諸景其西相植則華岳之峯突入雲際太河自西北蜿蜒而至洪濤白浪日夕舂撞南拱秦嶺北控中條東倚峴山萬壑千巖極妍盡態應接不暇浮嵐香靄條遠忽近簷楹撩映恍若憑虛御風與飛仙往來情與景會興

逐時新撮土賦詩著爲八景功成身退怡養天和眞可以忘理亂謝黜陟不知其老之將至也東崖於是始增重焉夫輦轂之間累土爲假山高不踰尋丈旁矚數步結亭宇纔足容膝若兒童戲者所費已不貲而觀者賞嘉王公貴人日爭致之不可得卽有得者亦適爲歌樓舞榭沈醉宴樂之資假令東崖可移價當何許古之爲此多矣偕爲荆棘蕩爲烟塵不知其處而名公鉅卿所爲休退者如裴晉公之綠野富鄭公之還政迄今歷百千年耿耿不泯頽焉復起敝而輒新過者起敬若鬼神呵護然者地因乎人也是皆洛中故迹公之鄉先哲人其勳業聲名在公亦無愧焉者東崖精舍與三堂並爲不朽復何疑哉靈寶自

有東崖無論世代未聞有所屬者雖復在城闌與荒邱斷隴相去不能以寸得公而後爲勝固亦一大奇遇也始公爲此曰吾老是足矣及詔起爲司馬則曰無寓人我室其虛以待我繼都冢宰則曰修我室我其過歸至其易簣則曰予有後其弗棄此基公之所托以終其身而望諸後人者意已至矣其子符臺廷綸憲副廷美將世守以繼公遊屬予爲記乃述東崖勝概與所以遇公者若公之歷履則國有史家有乘天下有聞予可略云

西峪草堂記

唐順之

靈寶陝洛之衝也環而山者以十數而西原獨當其僻處西原蔽秦山之南委蛇數百里散而藪者以十數而西峪又獨當其

靈寶縣志

附卷前下

古文

十三

新豫印刷所承印

深處峪口偃仄始疑路窮忽然中開更出異境茂樹淺草森蔭蔽虧水泉漑漑若驚蛇出沒草間其人應視而穴居可二十餘家於是許君廷議遊而樂之乃卽峪口作草堂於其上仰而眺秦山俯而顧西峪烟雲竹樹隱見千態不下席而盡取之其勝又於是爲最己亥歲予見許君於京師君曰爲人鬯達魁岸尤以兵自雄余固意其必且爲國家建萬里勳勳也一日與余論草堂之勝且曰吾將去而休于此矣余笑而詰之曰君不聞馬文淵兄弟之相笑者乎夫嵬才傑士其所寄幸必於奔湍洶湧之川嶺岼崔巍之峯決滌千里之野極世間險怪環偉超曠之觀然後足以厭其耳目而發其跌宕雙落之氣若夫耽水竹之清幽

蔭樹石之翳曾此則窮愁枯槁之人漠然無所振於世而有以自足其樂於此夫固各自爲尙而不能兩得也今君試料才氣與文淵少游竟何似國家且北收河南南繫交會之頸假令據鞍躍馬今之人孰能先君者乃欲乘款段優游閭里自比少游其甯可得耶三門之間洪河巨石怒而舐擊碎碎磕磕若戰鼓然百里之外有聲峭函又秦漢以來百戰故處過而覽者莫不躊躇慨然想見乎揮戈濺血虓虎暗鳴之雄此皆險怪環偉世所駭駭且近在君衣帶間君何不寄意於此乃欲自託於寂寞背嵬反傑士之好而就窮愁枯槁之所樂此又何說也噫嘻吾知之矣君居河上豈嘗受河上公語耶故曰養辯於其訥藏勇而虎躍則余不能窺也已

重修函谷關記

王宏

古稱函谷關尙已自周召分陝關屬之陝以西惟秦據之號天府之國沃野千里而四塞獨斯關有建瓶之勢所謂天下河山秦得百二者也漢魏以來關以屢遷迄今二千年坍塌無存寒煙荒草豁舒地運輜軒之使過之者未常不咨嗟太息於其間也漢陽江君宰靈寶之三年勤勞民事百廢具舉周覽故址慨懷修葺於是捐金庀材鳩工重建爲門爲閣財不賦出力罔農妨經始於康熙壬戌年九月歷兩月而落成甃甃孔固榱桷維

新枚枚渠渠於乎美矣吾生也晚未覩昔所爲關何似而今之
崇宏壯麗巍然竦立於兩岸之中者常試登而望之澗水潛其
下城郭在几案間洪河遶流於外左之有翠微之色者中條也
右之蒼茫出於雲霞之表者其嵩高乎背負太華面拱神京爲
秦豫扼要之地洵堪與之偉觀斯關所係豈尠小哉江君曰否
否夫不觀於秦之已事乎當其發憤爲天下雄有併吞八荒之
心諸侯合從以六國之衆逡巡而不敢入而其季也泗上一亭
長直抵咸陽收其圖籍以建四百載至治之業亦烏在所謂攻
守之勢異乎今天下一家山陬海澨罔不臣服關雖險顧安所
用之吾特以復古之蹟焉使君子之至於斯者憑而弔之尙論
因邑人之請而勒於石

重修儒學記

江 蘩

自古建立都邑爰重學校三代盛時自鄉射飲酒養老合樂以
至勞農訊衆飲至獻馘之事無一不在於學士之遊其中者其
講肄有業其辯說有數蹈舞有節順四時以爲術等年數以成
教故士行修才量小大皆可爲世用道德同而風俗美也厥後
學校漸廢詩人刺焉雖以子產爲政而鄉校不毀姑使好義者
往遊焉而非以爲崇起教化之地也由兩漢而降先王建學之

意遂以漸失故雖創置學舍廣延生徒然乃名存實亡獨尊崇先聖廟祀有加建號用樂比於王者亦既盡倫盡制云洪惟國家規制邑設之學教化所出莫先乎是乃釋奠菜有司僅奉行故事至於宮廟傾圮風雨莫避所在皆然而靈寶一邑尤甚蓋茲邑介四達之區西通秦晉南隣荆楚兵燹以來元氣未復地苦荒民苦流吏茲土者期會征斂之不遑奚暇及興賢育才之事乎余承乏茲土謂養與教未可偏廢蓋常首問疾苦簡踏災傷急欲爲民請命至於費宮鞠爲茂草講舍變爲牧場慮無以揭虔妥靈作新士氣心竊傷之爰集閣邑縉紳子衿聚族而與之謀時則僚屬縣丞楊汝楫典史胡之英學博劉鳴玉皆在焉

靈寶縣志

附卷前下

古文

十六

新豫印刷所承印

諸生自遠而至者殆且三百一時父老子弟環橋觀聽欣喜驚嘆爲希闊未有之舉余乃知人心之皆同而學之果不可已也於是與諸君力圖修復司鐸者率多士進曰學宮方位據東南隅泮水乃在城南門外往者城闌洞啓山澤通氣以故人文蔚興英賢輩出自軍興繹騷南門久閉學宮泮水渺不相及形家皆以爲非宜余深契其說弗俟詎筮之協卽日大起城門士心咸喜如疏壅徹障夫思樂之詩樂泮水也豈不信哉顧念時絀舉盈卽絲髮恐爲民累勉捐金一百兩以爲之倡僚屬紳士互相競奮各有捐斥乃鳩工庀材堂殿齋廡垣墻門屏莫不畢治或仍其舊制或新其規模而瓦礫礧題榮棗桷之堅好宏麗

煥然改觀焉諸生張徽任國重王琬李珩許鏜董其事朝夕拮据不憚勞瘁經始於康熙二十年七月丙申迨十一月庚子實始落成多士因造余請曰工竣矣微我公力不至此願一言以記其本末余不敢以不文辭曰多士亦知聖王建學之意哉惟夫子之道爲萬世仁義禮樂之主故立之廟祀自天子下達春秋享獻卽多士在列者非僅以陪奔走執籩豆而已蓋旣已列於庠序而異於細民欲使之學焉得其性所近同臻於聖賢之域而適乎天下國家之用也顧士習旣已不及於古議者遂謂建學爲空名然而君臣父子夫婦昆弟朋友之倫親義序別信之理又未常不卽心而具也夫古者六藝六行六德之教莫非

靈寶縣志

附卷前下

古文

十七

新豫印刷所承印

由粗而入精自外以及內期以篤乎倫常窮乎理道而已所謂卽心而具者百姓日用而不知聰穎秀傑之士又或明知之而明背之奚貴乎講說誦習之紛紛耶蓋將放其私智棄其本眞驚驚傲悍之習成而易簡性命之理失其亦重可惜矣伊洛之教上接洙泗又靈邑古關陝地橫渠實講學於此能仰溯淵源而措意於倫常理道之際則虞廷之所命司徒之所迪誠不待外求而足也

創建桃林書院碑記

江 繫

常思古聖王之治天下惟在教養而已教養之道惟在井田學校而已井田之制一在君十在民合力助耕而民無輸將之事

學校之制黨有庠術有序家絃戶誦而人嫻禮讓之風三代之世士習民俗無不臻至治而登上理也自井田廢而學校衰民有煩苦之征士鮮敦行之實而王制聖教湮遠莫稽矣士君子有志於當世雖一州一邑亦當以天下之治治之隨事用恩隨地布化安知教養之效不可見之於百里哉庚申仲秋余奉簡命宰靈邑甫入境諮詢民間疾苦得聞靈邑正供原額三萬三千零國初輸納裕如也至順治十五年頒墾荒之令而喜事邀功者以筆墨爲耒耜以文移爲耕耨紙上開荒竟增糧至五萬三千餘嗟乎苛賦一增民膏遂竭數年逋欠除閤省擡賠外尙餘四萬有奇彼時通縣之小民半屬逃亡而士子之學業亦盡

靈寶縣志

附卷前下

古文

十八

新修印刷所承印

荒廢矣余奮然爲民請命力懇題蠲邀蒙俞允豁免實際荒地一千二百餘頃歲免荒糧九千八百餘金節年逋欠一體蠲除邑之鄉紳士庶歡聲震地謂有功德於民者則祀之皆欲醵金建祠以報焉余曰無庸也昔荒糧未去謀道者先苦憂貧今荒糧旣除遂生者即可復性余正於縣治之西購闢宏規創書院以課多士爾等勿重興土木以虛費物力爲也而紳衿父老幡然樂從皆因余有經始之心而庶民卽有子來之意羣才衆力趨走盈途不一月而堂廡垣墉煥然巨麗矣夫古者學宮而外代有書院如崆峒之有濂溪星渚之有白鹿上饒之有鵝湖建甯之有考亭皆先代名賢表彰理學之所他如文學之儒亦多

所建立若霍山岳麓石鼓松明之類俱傳自唐宋時卽近在豫省者如嵩陽澗水兩書院皆燿燿天中伊洛間今靈寶爲中州名邑卽古桃林地取以名院豈不與嵩陽澗水鼎立而三乎且古人有民社之責者卽有陶淑之任程夫子爲晉陽令多立鄉校民間所習書皆手爲句讀朱夫子主簿同安設高士軒授徒講學韓魏公作定州安撫使葺學舍課諸生絃誦比鄒魯范文正公判河中士子執經問業貧者分俸以給焉余雖不敏不敢方軌前賢而德造斯士之心實有素願今者書院落成集此多士余捐俸以資其食用考課以董其精勤令士子曰就月將進德修業異日者躡天衢登雲路黼黻盛治霖雨蒼生甯非出自

靈寶縣志

附卷前下

古文

十九

新豫印刷所承印

今日之造就也歟後之君子官斯土者皆有教養之責鑒余之志而撫恤之於士民利病之源深加意焉是余之幸也夫是卽靈之幸也夫

女郎山禱雨文

霍濬遠

歲在庚午三春靳澤麥禾漸稿入夏而旱愈甚心竊憂之齋禱城隍靳澤如故爰率士民躬詣女郎山取靈泉之水擇於四月初四日黎明屏蓋撤輿單騎出南門由梨園莊逶迤而南四十里至虢略鎮酷日橫空淋漓汗浹塵沙四起目不能正視命飯畢復由師杜坡冲天寨而南上下坡陀崎嶇磬折又三十里至虎兒坡女郎在望夕陽西墜因止宿荒郊焉鷄鳴起沐徒步上

山攀荆棘披蒙茸履巉巖躡峭壁偃僂蜿蜒盤旋而上於星光中見怪石嵯峨如虎蹲豹踞奇樹兀突如龍攫蛇騰從者皆股栗而余心亦忐忑無定行十餘里曙色漸開檢點出境盡爲茅塞草木翳翳樵蘇絕跡扳藤附木一步一蹉循懸崖臨陡壑時時嶮行岬中足搖目眩心悸不能已少選焉旭日東升炎威復熾汗流蔽面氣喘如吼復行十餘里始登絕巘進廟仰瞻遺像有三中爲聖母右玉貞左妙貞卽世傳二女仙也余整容肅拜爲民請命稽首而陳詞曰伏以德重坤元利資生於萬物道隆陰化溥惠愷於羣倫名號女郎孕山川之秀氣位稱聖母擅造化之靈樞千禩爲昭萬民攸賴有求輒應無感勿孚曩昔愆陽

靈寶縣志

附卷前下

古文

一十

新豫印刷所承印

曾顯傾盆之澍今茲亢旱甯辭扣石之微

澍遠

墨綬初膺圭刀

學製凜凜瘳曠翼翼民瘼荷二氣之均調千村有慶冀五谷之成順百室無餘節屆純陽律宣仲呂來粦在野成壤惟辯須臾花谷方萌榮枯只分旦夕蹇逢暴風嘆土膏澤難期何當烈日灼天滂沱未沛草木之憔悴士女之勤憂未有甚於此時者也

澍遠

齋戒虔寅爲民請命率僚友而步禱攜老幼而祈靈在遠

薄德蹇修未敢信灌壇之應惟神鴻慈普惠自克致玉几之臨閣境呼號四民匍匐沍靈泉爲法雨涓滴可注江河求聖水作甘霖矧勺自通湖海伏願垂憐枯槁默鑒哀誠雨三日而成霖遍千疇而霑足密雲布獲果符埤鶴之鳴時雨盈流式協商羊

之舞東西南北靡不荷生成豆麥禾麻咸得登碩茂神功展布元德覃敷四野淋漓共恩波而皆遠萬川滂沛與聖澤而俱深矣

問淇亭記

霍濬遠

古之君子雖一日必葺其墻屋者何哉以治民必有政行政必有官居官必有署三者廢一不可也至於亭臺樓榭固不可窮極壯麗以勞民傷財亦不可任其傾圮荒蕪遺羞於後宏農當秦晉之衝左有函關望氣臺之雄右有女郎夫家山之勝燦列於前者唐三堂郡西樓也環峙於後者老君宅翠微宮也秀甲宏農名傳虢國非古名勝之區哉逮世遠代移疊遭兵燹不惟

靈寶縣志

附卷前下

古文

二十一

新豫印刷所承印

複道重樓化爲瓦礫而金湯官舍亦鞠爲茂草矣己巳秋余視事茲土簿書鞅掌始置一切俟三時告成次第漸修泮池瞻紫樓閱試廳老君宅俱煥然聿新因念署之西約三畝許灌莽荆榛荒穢空曠爰命工人芟翳會除糞壤平坎坳疏淤井植竹數十竿董蒼頭種蔬瓜以資日用不數日而畢復檢舊蓄餘木數十株久貯郭外者風吹日曬且腐矣是棄材也因構一小亭於竹之前木不加丹墻不加彩儉不至陋廣不踰丈凡六日而亭成於是日出有陰風來有聲雲開霧裂則雉堞髻堆桃綻柳垂則穰題脂賦月之行空也光映紅樓影穿綠玉雪之舞花也聲敲翠葉香透雕欄暮靄凝亭朝煙籠竹陰晴顯晦昏且含吐莫

不於斯亭得之退食憩息思所以治民之道爲政之方居官之則依然依然欣欣然建一物而三事不廢豈徒侈亭臺樓榭之觀而已耶昔衛武公以抑抑之德悔過好學迄今千載下猶想見其淑懿甯僅當時不可諉哉由是知草木雖微而德業不泯武公往矣而簞竹猶存淇澳遠矣而猗猗無異觀是竹也能不捫心自問而以君子自勗乎遂顏之曰問淇并記其事以貽後之臨亭者咸以君子共勗云爾

重修靈寶學宮記

邑令程世綏

先夫子而垂教爲二南與靈至邇也後夫子而聞道推伊洛去靈未遠也意靈被澤深而成才獨盛顧傑俊奇偉之英久寂寞

靈寶縣志

附卷前下

古文

二十二

新豫印所刷承印

而不以聞何哉誌載前代何姓科名接踵許氏起居八座者一時四人今山川依然邑屋如故而風流歇絕不復列文獻之盛意者學校之澤不流而鼓鐘之化已遠歟夫聖道若江海然隨所自得以成其淺深分量百川之浩渺溪沼之濼洄波池畎澮之浸灌滋潤下至樽勺瓶盎之受挹注鉅細萬有不齊者所取之豐約異也夫爲學亦視其所取而已譬之種植必耘耔勤糞土厚然後及成而落其實工力稍有未備且猶未可弋獲而倖得况持身經世之大道龍騰豹變之所由出歟邑故有學宮世久日就傾圮世綏來宰斯邦旣喜民之殷繁而又樂歲之屢豐也於是集諸生而告之曰工不居肆術業精良果有之乎今瞽

宗庠序之地祭菜鼓篋風雨不蔽諸生何情而絃誦何資而考稽也局促頽垣敗壁之間苟且因循而欲振刷其儀羽潤澤其文章豈可得哉今夫浮屠老氏於人心風俗何益而愚夫愚婦猶能輝煌其宮宇况吾夫子之道川流不息隨所自得以爲聖賢豪傑善人君子之助而靈又周召起化之邦有宋兩程夫子風流餘韻之所漸被者其發憤興起宜何如而顧聽其隘陋頽墮昔聖昔賢車服禮器靈爽式憑其堪此耶於是諸生相顧憮然余乃捐廉俸爲領袖而縉紳士庶亦各踴躍樂輸經始於庚戌八月落成於明年二月凡材木瓦石人力所出絲豪無累民間費省而工倍董其事者實貢監生員楊清茹大隆李熙鐸張增銳張增辰許乘泰與有勞焉嗚呼夫盛衰倚伏地之靈也由人傑也繼自今輪奐旣新游息有所文學道德漸希風於成周有宋之隆以與何許諸賢後先輝映余日拭目俟之則是舉也其由剝而復爲登高而遠之始基也夫

重修夫家山廟記

程世綏

雍正七年春皇帝特沛恩綸以豫省民風丕變能遵封疆大臣之教急公尙義於是蠲租四十萬兩農民相與踴躍胼胝益思踴躍輸將上報天子殊恩會入夏以後雨澤愆期世綏乘乏茲土蒿目焦思因考邑乘知縣南有石盆泉一道爲漢三聖娘娘仙蹟邑人禱雨輒應迺薰沐徒步陟女郎山而望祝焉旣卜得

吉遂取靈泉以歸朝夕與紳耆士人環禱茲山之顛既而陰雲乍起微雨南來余初疑其不甚溥徧父老告余曰迅雷疾風是所謂大雨施行也若靈泉之驗必輕風細雨滋潤無垠越數日神果降靈於此山左賣花者宣言靈旗已駕將以某刻得雨余曰七日來復理或有之屆期果如膏沾潤歷午至子不絕於時四野霑足士民歡騰麥之稿者立瘠者肥木棉欣欣而繡錯噫嘻神之靈爽昭矣記稱能爲國家禦大災捍大患則祀之今神之護國佑民厥功旣懋則爲維持保護者其美報宜何如也今廟貌雖存歲久傾圮疑非令所以事神之意與吾民所以崇報之心爰卜日興工凡殿宇樓臺不三月而丹雘煥然復其舊觀

靈寶縣志

附卷前下

古文

二十四

新錄印刷 承印

維時世綏捐俸以爲領袖而紳士耆老或布金錢或課工作咸歡忻鼓舞不憚勞費工成例得書名於碑嗚呼自今以始歲其有君子有穀詒孫子安知非神仰體聖天子如天之仁俾吾民世享豐亨大有之利則是役也豈徒修墜起廢以爲閭邑具瞻云爾哉

重修九柏臺碑記

張文旒

邑南四十里曰虢略鎮乃古虢封之遺至唐爲州屬圻內咽喉開元初並遷宗英共持要地故其時之刺虢者常以親王授之政平理暇選選多所卜築而奎據川原之盛備登眺之觀迴塘屈盤花島交映莫過於西山之九柏臺者卽有唐賓客往來游

寓飲餞舊名紅亭處也岑王諸賢多所嘉咏亭高鳥外客到雲
齊至今膾炙人口歷宋元來荒田蔓草敗碑頽垣見者汕然矣
前明有練師竇冲林者與居民始創之恢拓舊基聳起殿宇諸
神以次配列至于鐘樓客舍獻殿香亭大厦剴然就理方謂唐
賢之遊賞勝地或可沿也迄今幾二百年而丹黃金碧之盛半
歸剝落矣夫國家釐正祀典祈報而外凡所以奠安黎庶捍禦
災患者皆禋祀不廢無非欲協乎神明惠安元元冲林卽勝游
之地而創爲羣神棲止之所則斯臺興廢所係又非止快登臨
極游眺徒以選勝尋芳已也住持道人蕭復星者旣於婁下村
重陽觀靈寶縣真武庵以及本鎮洞陽觀后土廟城隍廟悉續

靈寶縣志

附卷前下

古文

一二十五

新豫印刷所承印

爲修理豈忍坐視此臺之廢遂糾合士人馬呈圖郭乃興等亦
皆捐輸募化踴躍督成其洞殿門亭悉仍舊制懼沒昔人經畫
之善也工起於乾隆五十四年三月至五十六年七月告竣蓋
非一朝一夕之故也功旣成乞余言以爲記余謂盛衰興廢之故
亦古今之常無足異者而斯臺也以繁紅縟綠之觀昔之人襲
馨擷奇者素矣自林冲之舉而暮鼓晨鐘香烟郁馥今復益加
振修而更足以不朽矣雖然神聰明正直依人而行者也使居
茲土者勉強爲善虔其秩祀而神自降以百福則幽明合惠神
人胥和俾疢疾消生植遂蒸爲太和以助我聖天子太平無疆
之治是固國家修明祀典神道設教之意也至於鋪張勝概紛

紅鬪綠之說茲不復贅云

女郎山禱雨記

邑令呂子珏

余於嘉慶二十二年歲在丁丑七月來宰是邑薦紳先生爲余言女郎山之靈如漢中府西南六十五里之崑山有禱斯應戊寅七月旱甚余心如焚計惟乞靈於神或滂大澤二十四日齋戒二十七日夙駕行七十里宿宋曲村行宮虔禱二十七日丑刻由虎兒坡至七里原乃步行上山約十三四里路之險行之渴前任令霍君記申詳之弗贅也到山取一盞以油紙四五層噤其口納諸坎窞此坎名石盆泉土人謂神沐於此蓋取玉女洗頭盆之義云上係巽繩如沒井之繻余向坎肅拜從吏如巫

靈寶縣志

附卷前下

古文

二十六

新豫印刷所承印

代達爲民請命意又密告余盍盍方得雨而口緘滴水難入余心大感跪拜良久收綆啓視有寸許水焉重納下誠求再三收而水已溢啓而器眞盈矣既駭且喜捧持而行復禱龍王廟白龍潭一如女郎廟之靈卽日反署二十八日丑至午微雨午至酉漸大雨刻後寐覺而簷溜如注躍起而視院中成沱明日鄉村絡繹報雨四野霑足民歌舞之噫神之靈一至此哉蘇長公喜雨亭記云歸之太守太守不有余宰是邦而得神之佑若貪神功以爲己力是伯宗之攘善也歸功於神詳誌之以示來者

重修關帝廟碑記

邑人許迪吉

國朝祀典之鉅廟貌之崇有至聖先師孔子有伏魔大帝關帝

畿輔州縣同然靈邑東郭帝廟奉勅建舊矣嘉慶戊寅歲邑侯呂公因歲久捐俸重新棟邑之紳士董其事召而命之曰孔子曰知我者其爲春秋乎竊謂後世知孔子者莫如帝學孔子者亦莫如帝蓋明於大一統之義以天自處以天運世神明愈久而愈熾者在此麟經也舊雖有其閣今必大其規模至正殿擴三爲五夏直臣祠三代祠並加整理幸無憚其煩邑侯李公繼有同心縣尉薛公爲之翊贊歲壬午工乃告竣煥然並新惟呂公克圖厥始惟李公克成厥終大成殿而下無有如帝之正殿者而麟經遂與尊經相輝映矣若夫諸紳募金四千督工五載其工食所出俱屬閭邑居民輪流分派所謂聖人出而大義行

聖人往而大義明觀於人心效順益信春秋之功在萬世也是爲記

重修婁下村得相庵碑記

許虎拜

號鎮東北六七里爲婁下村舊有得相庵前明萬歷時創建至今上御極之初風雨催殘金碧剝落久矣歲甲申余將東行過其地流水一灣茂樹千脰慨然有塵埃外想因下馬遊憩歷山門二門周迴顧視迄而東爲東角門迤而西爲西角門飛簷布翼高插雲表其內分東西兩院東院南殿奉白衣菩薩西院南殿奉三大士殿門外綠樹參天清陰鋪地跌坐其下梵聲朗朗茶烟裊裊掃石安棋此樂真不減羲皇上人問之故老咸曰此

僧人道緒手澤所留遺也余深嘉道緒之賢而又惜棟宇凋零相與徘徊者久之猛視日影已近卓午急急出門就道至道光七年同社諸公慮其無以妥神靈肅瞻仰也同心鳩集得金若干以備需用自東西角門山門二門以及東院西院南殿皆重加修理煥然一新而所用之材取資於道緒手澤者頗多嗚呼道緒此舉可謂不朽而首事諸公殫數十晝夜之力庀材鳩工共襄盛舉亦殆將與此庵共千古矣工告竣囑記於余余憶曩者之遊重傷傾圮業經修葺其必迥異前此可知也因筆而書之以爲同社爲善者勸至風景之美黜聖之鮮得諸想像尤願親諸目覩卒歲匆匆請俟之異日重遊

靈寶縣志

附卷前下

古文

二十八

新豫印刷所承印

重葺三聖母廟碑記

嚴正基

傅城東層岡環列迤北孤阜鵲起一綫蜿蜒而下蹲伏郭外有廟竦峙其巔卽邑人所稱三聖行宮也案邑乘載漢時有二女事親不嫁其親強之遂指山爲夫偕隱以終後名其山曰女郎並其母構廟祀之額曰三聖又以禱雨輒應廟祀寔廣邑城始建此廟蓋由來久矣余初以其事近誕不之信去年秋彌月不雨祈禱四出復不雨乃步禱於女郎山越旬始雨僉曰是殆非神之賜也余曰禱而應遲與速皆是又詎非神之賜哉夫吾民不幸而有災所恃以澹其災而弭之者恃人而亦恃神若旱魃之爲虐蓋有地兼數圻而如憐如焚燎原之勢日熾無一遺秉

滯穗之存者故其災甚鉅而弭災之術卽窮尤不得不聽命於神其在雲漢之詩曰靡神不舉則牲犧圭璧之勿敢愛也靡神不宗則自郊祖宮之蔑弗祀也蓋卽省躬引疚凜之以天與帝惕之以神下逮庶正冢宰趣馬膳夫之微莫不蕩瑕滌垢而所以馨祀維虔冀回明神之悔怒者又無不至也然則災不能弭爲民徼福於神而祀之也振古如斯今何獨不然且余常溯洪澗而南按圖考地往來者數矣見夫面函背維錯於豫維其地岨冢而瘠求所謂膾膾周原者無幾矣而斯渠利以邵農功者蓋渺是以民常苦旱今方賴神之賜甘雨而旱災旣弭矣何疑於神夫神以孝顯於鄉議者雖或以其詭於中道爲惜而遺徽

流播里閭亦足以振厲頹俗况甘澍之敷澤被枌榆是大有造於吾民也民德神而肇修禋祀其莫敢廢墜而勿替引之也宜也神廟之在女郎山乃爲風雨漂搖過甚余旣囑近村紳耆重葺而東郭之廟因歲久日漸漫漶其廟基爲行潦所齧亦半就傾圮迺出俸緡爲倡紳若民之戴神惠者咸源源樂輸遴邑紳茹君洛荆君鳴岐孫君彤舟董其役隘者擴之頹者撤而新之經始於去年孟冬上澣以今年孟夏上澣告藏維時雨暘時若歲以有秋僉又曰神之賜也顧余奉天子命宰此邦幸得沐神賜以保艾吾民而比年幾輔雨澤偶愆上厯朝廷宵旰凡所以展禋百神爲民請命者甚賅其視周宣之遇災而懼殆又過之

夫盛世不乏災侵之降而堯湯在上卽災至亦不甚爲患其敢弗靖共爾位體聖主憂勤兆民之意感召天和毋作神羞至於屢豐告慶民氣樂而頌聲作所望於神之綏我思成者方永永無極故於廟工之成也爰綴敘重葺神廟本末並董事者之勞揭而書之至葺廟工需及創建劉猛將軍金姑娘各廟二其用銀若干錢若干例應並書又捐輸各紳民姓名亦不可以或沒也則泐諸碑陰云

重修女郎山三聖母廟碑記

嚴正基

歲戊戌秋環邑城東西近村久不雨祈禱備舉仍不雨僉稱女郎山之三聖廟祈雨有應余先期馳至宋曲村齋沐戒旦鷄初

靈寶縣志

附卷前下

古文

三十

新豫印刷所承印

唱秉炬沿山磴前發迤邐至七里原小憩蓋山之麓焉旣而晨光熹微舍輿而徒攀躡山椒以行約四五里許碧峭摩霄荒榛蔽翳有徑緣懸崖陡壁間一綫羊腸偃僂前却與夫曳長繩下導挽以登從而後者掖之升踵頂相接行數步輒氣吁欲踣趾少駐始再進汗淫淫下不止行走蹶躓喘息憊甚日晡時始躋其巔展禮於廟距廟不數武石磔有清泉一泓瑩然澄碧納餅泉中禱益虔絜瓶得水遂竟日馳歸越旬而雨其時民村之在山左右者甘霖應候年穀告登沐神賜尤渥余以聖母神廟漸圯近山之尙溝元紀焦村二寨並鄉官楊冲二寨民人咸前徵神惠蠲減草豆有差屬令合力醵貲重葺並酌定以後修葺年

限俾垂永久經始今年季春下泮至季夏上泮告竣僉籲余文以記余因敘次其顛末於右至神之出處軼事並余所以祀神弭災之意已詳著邑城東郭外廟碑中亦不贅及云

新建靈邑考院碑記

嚴正基

靈邑舊乏試院有司每值試期則張幕於廳事之前駢坐邑童其下扃試地湫而隘霪霖風霾弗蔽應試者慄慄卒事余縮邑符之初心焉恫之議建試院爲甄英區以連歲小稔又籌待畚會辦裝實慮民力未紓屢不果洎去年夏麥大熟迺集邑人士議之僉曰可首捐俸緡爲倡紳氓之急公者咸輸將恐後於是相地宏農書院之右鳩工庀材經始於仲秋中泮越季冬上泮

靈寶縣志

附卷前下

古文

三十一

新豫印刷所承印

告成會余遷刺鄭州以行未有以紀其事今又五閱月矣謹綴敘創建本末而爲之記曰國家仿古賓興賢能之制三年大比命儒臣典試直省取士如額登之賢書以達於禮部復簡大臣集諸京師而都試之拔其尤者錄如額天子親策之廷用京外秩有差殆與記稱升諸司徒曰造士升諸司馬曰進士者有合焉其試於州縣有司則爲童子試較其文藝而甲乙之籍而上之郡守若刺史又從而加甄覈學使者按部而都試之比年爲歲三年爲科拔其尤者錄如額亦籍而上之禮部始稱弟子員又卽古者命鄉論秀之遺意蓋童試爲士子策名初桃有司與民相親遴材尤近且稔試院之建實所以優恤邑之成人小子

而相靳於得人爲盛爲士子者庸可以不加勉耶夫人於齊民之中而別之爲士皆有家國天下之責者也作聖之功自蒙養始明體達用爲天地立心爲生民立命以成爲位育參贊之功者亦自成童肇端士子本家修爲廷獻當先器識而後文藝昔晏元獻以童子廷試常稱私習此賦請試他題識者覘其爲公輔器中州名臣鉅儒項背相望賈太傅舉洛陽秀才年甫十八程伊川先生在太學著顏子所好何學論亦方十八厥後志事卓卓推三代以下第一流人物且靈邑號人文淵藪自漢唐以逮元明難更僕數卽許襄毅一門兼資文武出將入相迄今炳彪史冊著爲縉紳美談士子英年邁往其於鄉先生之流風遺

靈寶縣志

附卷前下

古文

三十二

新豫印刷所承印

韻能勿觀感而興起乎韓退之有云諸生業患不能精無患有司之不明行患不能成無患有司之不公蓋某也良某也不良自其童子就試時通國已無不耳而目之士子亦顧自命爲何如人所學爲何如事假令幸而獲選名實不符又能勿內赧而滋疚乎繼今以往甯樸毋華甯愿毋肆勿以躡進自矜勿以小成自域所志不求溫飽以天下爲己任科目之盛人才之美且茂固將於童試士子中樂觀厥成而猶謂古今人之不相及也吾不信矣茲工之成董其役者爲邑紳茹君洛荆君鳴岐孫君彤舟陳君世勳劉君世法閻君震密張君玉山揚君清渭皆昕夕蒞事不辭勞勩以有成功共用工料銀陸仟玖百陸拾緡例

得並書其捐輸各花戶芳名則分別住居各堡亦泐諸碑陰以垂永久云

重建山神廟碑記

邑令錢文偉

洪惟聖天子光被萬寓懷柔百神海濼山陬罔弗翊戴皇靈以奠乂我蒸黎復乎尙已靈城之東皋五龍溝舊有山神廟不知起何時或曰神卽晉從亡臣介子推然考春秋時疆域茲爲虢地後并於晉其於焚山招隱綿田旌善之故壤遠不相及好事者附會之說無俟深求也小戴記曰山林川谷邱陵能出雲爲風雨見怪物皆曰神又曰凡有功德於民則祀之靈邑東瞰砥柱北臨巨河西枕函關南延商雒山川盤鬱之氣精英湊聚而

靈寶縣志

附卷前下

古文

三十三

新豫印所刷承印

靈祇出焉自新斯廟以來民無疵癘物無夭札風雨以時年谷順成則神之佑庇我民視夫叢祠祆廟作威福以震厲一方者大不侔矣邑之人崇而奉之固其宜也又奚必指爲某某蹈宋道君之舛陋哉工創於某年月日落成於某年月日捐貲者若而人另泐貞珉是爲記

捐復靈寶書院義學及鄉會試經費記

周淦

靈邑宏農書院剏自國初前令江公後經歷任籌捐又置義學四十處凡與賓興者膏秣皆有資其經費生息銀至一萬四千兩有奇以故士習文風蒸蒸日上童試嘗千餘人登甲乙榜者踵相接至其風俗敦龐人情樸實尤於豫西諸邑中稱最則學

校之化遠也同治初粵逆擾竄是邦當西路衝一時供支籌禦需用浩繁竟將前項生息本銀提用弗克歸三事坐廢士氣滋不振卽中鄉試者亦數科無人焉余於庚午春宰是邑觀風之次生徒寥寥詢其故心憂之卽議興復而以兵差絡繹未遑也至次年差漸減歲復大熟爰集紳耆議僉謂民困甫蘇驟捐原款力弗逮現在辦差設局已歷多年不如合計每年需費若干卽由差局催辦勢順易行予韙之乃定本年由差局捐銀一千兩以八百兩充書院師徒束修膏火資以二百兩合從前廢餘稜租復義學十一處卽以同治十一年爲始釐定規條認真訓練行之期年向學頗衆書院請業者屢滿義學設未徧向隅者

靈寶縣志

附卷前下

古文

三十四

新豫印刷所承印

多於是復捐貲添設書院齋房十一間又由差局每年再捐銀二百兩連前共置義學十九處其章程大略書院則山長束修銀一百兩火食一百二十兩由閭邑公舉品學兼優者官訂之每月官課一次齋課兩次官課每次膏火銀二十四兩齋課每次獎賞銀半之每年二月初二日起十一月二十二日止齋長二名一在書院考定一由差局公舉一切銀錢公事悉以委之義學則每學束修銀三十兩子弟以十六名爲率正月十五日開學十二月十五日停學其塾師由本學首事公舉官爲諭定如有事耽延卽倩人代廢弛學事者易之倘首事不認真並將學移之凡需銀俱由禮房填給照票赴局支取其有用剩銀兩

每年於差局交替時算明呈徵發交鄉會試首事經理生息歷年既多亦成巨款如此定議則涓滴歸公既免侵吞亦難挪用且一舉而三事俱次第復焉議既行卽稟明上憲立案今將勒石乃進諸生而告之曰本縣所以汲汲於此三事者非徒爲爾等獵取科名計也軍興以來上失其教民不興行風俗淫靡趨利好訟甚至父老兄弟不相顧非世風之大變乎本縣德薄不能化民士爲四民首其各敦品力行以禮義爲鄉人表率他日得志必求爲朝廷建不朽之業以光邦家而榮閭里此本縣志也若徒有文無行或恃符峻訟爲害鄉閭或貪利偷安虛應故事則諸父老每年捐資豢養爾等何賴焉有一於此人人得而

靈寶縣志

附卷前下

古文

三十五

新豫印刷所承印

攻之本縣將拭目而見三事之旋即於廢耳其能永爲爾等庶乎諸生瞿然曰謹受教因退而畢書之

重建邑厲壇記

周 淦

天地間果有鬼神乎視之無形也聽之無聲也以爲有吾不敢知也天地間果無鬼神乎無形而忽若有形也無聲而忽若有聲也以爲無吾亦不敢知也蓋鬼神者不有於形與聲而有於人之心鬼神本無形而人心形之本無聲而人心聲之人心以爲有則卽不得而無誠使人人之心皆有一鬼神而天下治矣聖人之治天下也既親親矣親親而仁民而愛物矣不幸而親有時終聖人不忍無其親也於是思其衣服思其飲食值春露

秋霜則聚而享之於廟焉而聖人之心猶未卽安也曰吾之親可不餒矣彼天下之窮而無告者其生也吾得而養之死後將安所得食於是又招凡無告者之鬼聚而食之野而巡之以城隍之神亦若神與鬼之凜凜皆在吾前者此邑勵壇所由設也然則邑厲壇者聖人本仁民愛物之心推之以及於幽冥者也誠使人人皆各神其神而鬼其鬼則養生送死之道得天下有不治者乎如此則鬼神不能無斯壇顧可少哉靈邑厲壇舊在縣城北同治初爲賊毀每春秋城隍神出巡則露處郊外非所以妥神靈也因與同城官紳謀倡捐重建地則移北而基則加高經始於同治十年十月至十一年三月工竣計用銀四百餘

靈寶縣志

附卷前下

古文

三十一

新豫印刷所承印

兩規模宏整頓改舊觀時正修理泮池各工未遑計也今年癸酉冬各工次第告成爰追記數語刻石以垂不朽襄是役者縣丞韓君繼宗司鐸馮君玉堂司訓楊君燮堂把總吳君超典史史君悠玉首是事者候選教諭荆梓候選州同楊樹屏六品銜邵繼泰八品銜何致泰張躋堂從九品趙鴻書李久長把總劉永義監生趙萬方張慎行者老萬昇長也例得備書

重修關帝廟記

周淦

靈寶在周爲桃林地縣西南二里許有關曰函谷西至潼關百餘里皆高原卽古桃林塞也原之上距關不一里有大塚隆然則夏直臣關龍逢之墓旁有小塚土人曰此皇姑墓也蓋龍逢

在夏爲國戚乃不遠嫌避害而直諫以死致令後世忠直之臣皆願相從地下抑獨何歟後二千餘年而聖帝出焉相傳帝實龍逢裔昔曹操命許褚開函谷之道以運糧適傷龍逢墓脈致有麥城之難此事在史無可考第以帝之忠於漢與龍之逢忠於夏異代同心如出一脈理或然也獨是帝在漢臣也侯也由晉而五代而唐宋而元明未有異也乃至我朝威靈特著海澨山陬無不有帝之廟婦人孺子無不畏帝之靈凡國家大災大患無不賴帝之護佑以幸於無事而我朝所尊崇之者亦竟廟祀之隆至與孔聖埒其故何哉今夫世道日下也人心日橫也彼亂臣賊子狂夫悍婦喻以孔聖之教冥若罔聞迨一聞帝之

名則莫不心悸胆落却顧而反走蓋孔聖之道大而難名而帝之神則靈而難犯孔聖作春秋誅奸回於既往也帝之學春秋警邪亂於將來也非有帝之靈而孔聖之道將不行故有帝者乃以濟孔聖之窮此所以並行不悖而廟祀無窮也若是則帝之神在天下猶日月之在天江河之在地無往而不在也豈常有私於人哉乃靈人獨喜曰吾之鄉帝之祖墓在宜帝之呵護獨至也故靈人之事帝也亦獨謹縣城東關外有帝之廟爲地方官春秋致祭之所獻殿毀於風已四載失於修遇大禮褻慢殊甚壬申夏余旣修孔聖廟乃並捐廉修之邑之人歡欣從事不數月而告成凡正殿春秋樓三代祠皆重加丹雘明年癸酉

又將樂樓鐘鼓樓墻垣甬道一切新之巍然煥然觀瞻頓肅是二年歲亦稔此可見帝之呵護靈人者至而靈人之事帝者謹也雖然帝無私者也自今以往其益孝而親敬而長睦而戚黨信而朋友庶幾帝之佑之以永保此平安乎若猶是不孝不敬不睦不信則帝正以祖墓故恐若輩波累之必將鑒察而譴責之不遺餘力其能反爲爾寬乎甲戌秋工既竣誠恐邑之人或忘此言也因記月日起訖而并泐於石

重修夫家山娘娘廟記

周淦

同治十二年癸酉春我皇上聖學已成將親政詔天下帝王陵寢先聖先賢祠墓及廟宇之關祀典者飭所在地方官一切修

靈寶縣志

附卷前下

古文

三十八

新豫印刷所承印

治時余令靈寶三年矣履任後凡文廟武廟邑厲壇皆已次第興修獨縣之東有山巍然曰夫家山山之頂有廟巍然曰娘娘廟乃地方官春秋祭祀所必及朔望行春所必至而都人士求雨求子所必不遺者顧猶傾圮蕪穢竟爲無賴子窩藏之所一日香畢四顧徘徊乃不禁慨然曰有是哉此無怪靈邑縣運之不振也夫家山起脈於縣東南之乾山由乾山蜿蜒北趨忽折而西駐於此下臨縣治太行屏其北龜山蛇山障其南太華遙拱黃澗交流在其襟帶青鳥家以爲縣之主山詩曰泰山巖巖魯邦所瞻靈之有夫家山其卽魯之有泰山歟靈邑在豫西爲鉅邑本車馬輻輳之區人文薈萃之地也在昔唐之楊憑祖孫

明之許進父子聲華烏突先後相望其餘綴巍科登顯仕者尙指不勝屈獨我朝二百來風氣日趨日薄人情好利士習委靡求其志趣卓然可爲衆人表率者十無一二卽登甲乙榜者亦寥寥不過數人豈山川靈氣亦有時竭乎何古今人之不相及如此也查娘娘廟不知始何時考縣志娘娘以祈雨靈應經前明縣令王田列入常祀而廟內荆時薦所書榜字則在萬歷年間正是邦人文鼎盛之際由前日之盛以推今日之衰則或者卽此廟頽廢所致乎今欲培植人文而置此廟不修是何異治河而不疏其源也不亦悖乎爰以是意謀於衆僉以爲修之宜乃先捐錢百緡爲倡同城官紳士庶亦轉相丐集又復陸續籌

靈寶縣志

附卷前下

古文

三十九

新像印刷所承印

畫共得錢一千四百五十餘緡將正殿享堂兩廊樓粧舞臺傾者悉起舊者悉新四圍悉繚以垣又添築景靈臺一座道房三間而山半龍神祠及山下大門皆一律修治崇閔壯麗煥然一新自西來者第見仙山樓閣矗立雲霄日炫神悸直以爲滿函關皆紫氣也他日出其正氣以篤生賢哲又散其靈氣以霖雨蒼生不惟時和年豐而人文之蔚起直上追乎唐與明之盛則今日興修之力爲功顧不鉅哉工始於癸酉年二月訖於甲戌年七月首事等丐余爲記因書此以付之至山之得名與仙之顯應景靈臺記已略言之茲不復贅云

夫家山景靈臺記

周淦

聳然於靈寶東關偶一登臨輒不禁三晉雲山二陵風雨之感者夫家山也考縣志山在縣治西南八十里許漢時李氏二女及笄弗嫁母勸曰女當有夫家女指後山曰此吾夫家也後偕其母俱仙禱雨輒降山由是名邑人奔走爭先道遠恐弗及因於東關山頂肖三仙像立廟以祀并卽其名呼焉凡遇旱必以禱後有以求子往者亦罔弗應詩曰維嶽降神生甫及申其信然歟既而無往不在無求不得甚矣仙之靈也余蒞靈之三年歲壬申偶因子少一禱果驗心異之而廟經兵燹後頽廢幾不堪矣先是城守吳君超亦如是得子因與倡捐共得一千四百緡付首事荆梓等督修之計正殿三楹捲棚三間東西廊各一

靈寶縣志

附卷前下

古文

四十

新豫印刷所承印

向後粧樓前舞臺及四圍墻垣胥令一律完整舞臺北尙餘地數弓爰添築層臺建複室其上爲晏遊所以癸酉二月興工越九月歲事落成日都人士相與觴於臺而請名於余乃憑臺觀之見夫縣城伏於前雉堞譙樓瞭如指掌又有水自西南來兩山如龜如蛇挾之入黃則宏農澗也黃河之來也浩浩蕩蕩勢將撼城乃折而東趨衝波急浪中帆檣往來出沒無定非天險乎黃與澗之交忽若城閣湧出截住西行驛路所謂函谷關也尙有騎牛而過者乎其故宅猶巋然河上也極目西望華峯側如覆斗然雨後愈明易一地焉卽不見北則大行中條由西蜿蜒而東忽起忽伏忽坐忽立忽隱忽見四時朝暮之景不同難

一覽而盡也大哉觀乎吾烏乎名之僉曰我公之來也不作辰於我邦以教以養休息我民我民愛公深咸樂從公遊今踴躍而爲此臺其視古靈臺奚若余瞿然曰予何修而敢以靈臺比也今諸君既欲靈此臺余豈必謂臺之不靈乎亦竊願景焉云爾乃以景靈名焉將爲諸君勉之庶不爲山之靈所竊笑也今諸君礱石待記其卽以此言書之

創建靈邑泮池聯奎亭記

主事李鏡江

邑之泮池在東南隅城外故無亭有泉曰育賢涌出池中前明函谷夫子許莊敏公所謂伊川活水者也物於魚洞城爲門三以屬鬻其外爲垣繚而曲水灑灑自垣下出日夜不息有逝者

靈寶縣志

附卷前下

古文

四十一

新德印刷 承印

機焉考邑乘泉不詳其所自始明正統初始爲池漢晉以還賢哲挺生尙已由唐迄明科目得人最盛勳名亦彪炳相望洎國朝二百餘年與甲乙榜者接踵所謂育賢當不誣然邇來已浸微矣豈天時有代謝歟地氣有盛衰歟抑人事栽培之不力造就之無方歟咸豐末粵皖各逆東西竄突蹂躪鄉井逼近城垣加以兵差絡繹如織池當孔道墻四圯泉遂淤魚爲人食幾盡水涓細僅如簷溜青鳥家以爲不便邑人士病之未治也今上御極之九年歲在庚午涪陵周侯遠紹伊川眞傳近守墨潭家法以承明著作之才蒞任茲土甫下車詢民疾苦尤毅然以作養人才爲任俗故多訟習侈靡侯爲作長歌如白香山詩老嫗

皆解又勒例禁六條家喻戶曉民化之期年百廢漸舉卽創立義學十九所增修書院齋房十餘間凡經籍非坊間所習見購而儲之者且數千卷復優其廩給嚴其課最一切皆循循有法士尤德之未幾復捐廉四百餘金閣邑人士醵助之始作亭於池上名曰聯奎額之曰芹藻萃芳翼之聯曰客亦知夫水平龍門未遠有能從吾遊者雁塔同登於是傾者築淤者濬漫漶者丹牖及落成自亭坐觀之上則羣鳥飛鳴聲流樹杪下則錦鱗游泳淨挹天光侯公暇輒集紳董及肄業生童游息其間載酒賦詩論文問字娓娓竟日環而觀者或翫蕘或負販有跂足者引領者有瞻望歎歎如弗及者有竦立拱手流連不能去者殆

靈寶縣志

附卷前下

古文

四十二

新像印刷所承印

如墻堵與魯之頌小大從公將無同侯顧而樂之從遊者有榮施焉僉曰勝會也不可無記時余與宏農書院講席咸以爲請辭不獲自維譎陋不足以詡揚德意顧念邑多士塵訓親承蛾術共勵將異日謁金門步玉堂勒銘鐘鼎紀績旂常接跡於歷代諸先達以推及於無窮則侯之志卽侯之賜也亭於池且不朽矣是爲記

豹隴泉記

許春臺

邑南四十里有坡底村背原而宅村南豹子溝泉源之所由出也考之外記墨有名隴糜者隴黑色泉深碧似之清宜煮茶俗又號爲無根水世無劉伯芻惜知味者鮮耳圓中規深不可測

土人結板覆其半以便汲引方之半月其形勝何讓焉是泉也
仰而眺柏臺俯而瞰門水左右而環抱者村落百家水田綠繞
樹木之森蔭花竹之芬芳致足樂矣至於春煙秋雨杳冥無垠
夕月晨風倏忽異狀此尤極三時之美觀而稱快者也皆於泉
之上寓之谷口豁然去路不過數武非人跡罕到處特一邱一
壑往往視若無觀如惠州之卓錫廬山之瀑布柳州東坡之鈞
鐔仙遊不有人焉覽勝搜奇屬諸管城子楮先生吾知遐陬僻
壤間湮沒者指不勝屈矣獨是泉也乎哉岸之西南有石碣約
四尺許不知書自何人止以名其泉其顛末亦無可考邑人惜
其久而無傳也因屬記于余余謝之第思秦嶺項城諸名勝得

靈寶縣志

附卷前下

古文

四十三

新豫印刷所承印

前賢而名益彰余愧非其人顧泉若發蒙矣

老子故宅碑銘

失名一云許讚

粵惟紫氣東臨青牛西渡元元過化以存神關令望風而知異
含精遲駕闡教著經棲息仙房永著桃林之塞靈修故里實彰
天寶之符道德名言本原河上法籙宗旨出自關門雖世代之
沿革靡常而廟貌之尊崇罔替迨有明興治準百王禮隆三教
躬尚元默之化郡設道籙之司陞此遺宮秩以祀典因仍既久
敝陋滋多正德中邑耆焦公溥悵往跡之將湮慨今規之未壯
於是拓故鼎新不遺餘力層臺巍閣始稱奇觀少傳許文簡公
勒以紀贊邑侯苟小川公載之志乘蓋爲一方大刹千古名區

矣比旃蒙單闕之歲有堪輿震動之虞棟宇剝摧垣墉傾圮靜甯州守紹恩溥之侄也鴻臚署丞絳西安幕府纘溥之從孫也念先德之當成思祖武之宜繼加意修葺永圖維新乃爲東西道院二所便羽客之藏修殿閣過亭三楹鬱神宮之冲邃節稅麗藻山之美金碧煥日月之光誦法者爰處爰居瞻禮者來遊來息爽塏揮霍勝概與河嶽爭雄幽閭清虛風景與蓬壺並秀嗚呼道德尙矣仙源遠矣固非可道可名但市朝累變陵谷代遷而遺址歸存萬劫不廢非天下之至神其孰能與此不辭染翰爰勒貞珉銘曰兩儀未判大道無名是謂元始三才既立化育流行震動艮止萬物芸芸元牝之門谷神不死聖王有作撫

靈寶縣志

附卷前下

古文

四十四

新像印刷所承印

世因時結繩而治信薄禮僞道降風靡迺周之季篤生太上道在厥躬爲柱下史矯矯龍德惟聖知之於斯問禮流沙命駕匪以逃世吾其化彼霏霏紫氣鬱鬱關門聿來尹喜道由心遇經以言傳留宅茲土瞻彼遺宅歲月悠悠名聞寰宇興廢舉墜焦氏義門有光虢里蓮峯西峙嵩嶽東環黃河背指川原映帶松檜從芊洞天福地岩嶢碧殿寥廓元壇角冠霄禮鍾靈聚順翊我皇靈百千萬紀

晉武悼楊皇后廟碑

許詩

先太保襄毅公賜葬靈寶城南石嘴山麓顛有廟曰思鄉以祀晉武悼楊皇后者莫知所從起考圖記史傳后諱芷字季蘭虢

州宏農人元后從妹太傅駿女咸甯三年武帝立爲皇后婉嫔有婦德美映椒房生渤海殤王早薨遂無子帝崩尊爲皇太后賈后惡太傅執權且誤恨后構已遂誣爲謀危社稷族誅太傅廢太后詣金墉城爲庶人絕膳而崩仍覆而殯之時年三十四在位十五年至懷帝永嘉元年追復尊號諡曰悼還葬駿陵相傳后大漸時遺命有首塚意廟東大塚卽覆殯舊墓故號其廟曰思鄉理或然也環廟數十里春秋祈報於是疢疾祈禳於是子嗣祈禱於是咸若有答焉正德辛巳詩侄鄉貢進士儒以棟宇將頽宜有加飾乃易圮榱腐瓦落青剝丹而新之旣畢功神人胥悅廟祝張英等請刻廟石以彰厥靈余謂后生有懿德用

靈寶縣志

附卷前下

古文

四十五

新鐫印刷所承印

物精多遭大逆之變含恨而崩得之天者未盡施故迄今千餘年猶著其靈於故土禮曰祭祀有所焉有報焉有由彌焉今后之對於禱祝如取左券祈報由彌蓋兼有焉宜廟食茲土而宣其烈也遂相與拜手稽首頌神德俾歌以祀焉其辭曰於維楊氏允矣碩宗勳名德業世望宏農於彼晉代篤生聖女徽柔婉婉皇英可侶應乾作配明德日盛萬姓欣戴朝野同慶戴勝降桑躬執筮筐郊廟有服靡不質良內治陰德嬪姬率服外輔陽教羣工穆穆彼凶肆虐誤德爲仇禍延九族金墉永幽六宮含怨四海側目彼凶雖磔人怨未伏耿耿精靈惟懷故里千祀於茲神時戾止石嘴之顛旣夷且嵯宏農之流實抱其阿作廟有

巖號曰思鄉歷歲滋久棟墉摧傷我怪感斯維新其宇百工告成崇報孔溥祈兮禱兮如響斯應默佑陰福有靈有證華嶽峩峩河流熒熒或往或來互著厥靈我頌既勒祈爾純祉我私且後願先桑梓

重修晉武悼楊后廟碑

許宰

春秋二百四十二年左氏記災祥神異之事屢矣儒者多不道疑近於誕今觀重修楊后廟事令人恍然信焉后廟建於先襄毅公賜葬之南顛余總角時蒞其地廟貌猶壯後漸頽圯棟梁榱節或爲污黠者所市前邑侯胡公欲重修舉未果張侯履任有巫降署中道后本末甚悉且言舊材木鬻賣寄頓之事密蹤

靈寶縣志

附卷前下

古文

四十六

新豫印刷所承印

之果如操券侯驚異遂捐貲修焉后廟不知所自昉邑中祈豐年求子息相傳有禱必應顧后之靈能歷千祀香火而不能不暫歇一時且不早降神於網利黠民作奸犯科之日豈廟祀暫廢久興有數存歟然惡不終隱久而彌彰者蓋祀典所載有以舉之莫之敢廢况后生爲聖后沒爲明神非諸邪祀可比而靈邑係桑梓故地廟貌於斯陵寢於斯靈爽在天胡可撲滅彼兇人之能爲者人也其惡之終不可掩者天也初張侯重建止正殿享堂其兩廊火星子孫娘娘諸神祠未及修葺邑親友蘇毓泰等以數年前首事之人有志必成力募十村然後門堂寢室一復舊規落成屬余作文記焉余爲后本紀及梓宮歸靈故事

或徵信史或得傳聞余六世嫡祖工部主事公碑載甚詳無庸贅今載其事之信而可爲法戒者示惡無隱而不彰者如彼則善以積而衍爲餘慶益信後之覽斯文者其有所勸也夫其有所戒也夫

育賢泉賦

許讚

靈寶邑學值樞星門下有泉焉出自正統初年甘冽可食因名育賢泉流里許卽入太河不慮其不至海也余自早年遊學於茲今筮仕二十年碌碌如舊念惟本原之地佳麗之跡爲之作賦其辭曰詠髦士而興樸棫美君子而先菁莪此詩人取物類之近似明樂育之衆多詠斯泉之奇勝命佳名其奚過直費池

靈寶縣志

附卷前下

古文

四十七

新豫印刷所承印

而鬻沸經石山而逶迤當川原之膠臆出邱壑之饒饒函谷南通而浹漫中條北峙而籠窈桃林衍西原之塞甘棠望東郡之風逢昭代而建城邑相巽隅而啓學宮三才會感一氣潛通乃若湧羣珠兮翻淖噴寒玉兮深潢土積膏而成滴地綻脈而迸光初涓涓兮沙底稍濔濔兮溪旁遂合流而穿樹乃繚邱而繞岡融融汙汙瀟瀟泱泱滲淫渟沍洄溪漩環隆冬溫燠而不冰早夏寒冽而長漣榮青莎漱碧鮮濯紫芹滋綠荃溪毛紛如錦纈絢然輕漚飄霜雪之璀璨幽潭湛琉璃之澄鮮潤干畦而並蒔瑩一鑑而常圓深汲不盡永輸不涇或月浪搖空涼颺淨宇銀漢遙連冰壺共覩潤通下上光徹仰俯吸沆瀣之茫茫披露

華之溥溥驗夜氣兮須臾契道心兮千古或雨霽迎梅風暄試
扇照岸畔之繁花拖松陰之匹練泥燕頻來山禽屢盼或被襪
兮沙頭或高歌兮水面歎逝者之如斯洵一氣之相轉於是掬
清冷以洒其心兮挹浩瀚以沛其文沐汪濊以涵養兮茹膏液
而陶薰水荐至以常行兮澤相麗而資羣溯洙泗以尋源兮指
濂洛而周遊河伯之望洋兮何戚而歎子輿之觀瀾兮何術以
求就其淺以泳兮就其深以舟鳶魚上下兮潑潑天雲徘徊兮
悠悠究萬殊於一本觀大德於川流存見少而濳濳兮奚自多
而休休必左右之逢源兮始出涘而知羞領河圖於羲卦之未
畫會龜書於禹範之無疇湖海非至大之域涓滴非至細之儔

噫吁勉哉惟敬遜時敏斯昭明有融凡我君子其尙觀象於井
玩象於蒙果行育德始明道而立體勞民勸相終致用而成功
如月鑑之明水司烜是職李蘭之蘋藻宗廟是崇誠亦不負於
泉矣若夫渙忽渾濁滄淺濫汰濟盈不濡泊沒塵墟如井泥之
無禽雨潦之溢澮惟茲泉之差亦斯文之害泉之義大矣哉不
然何以美惡殊源感召異向或緣以貪墨或因而狂妄聰明成
牛相之聲華廉讓著范公之雅望邑路通長安每聞西使道漢
之太液唐之華清方丈瀛臺之室已荒頽於菅莽玉龍鳧雁之
嬉空餘剩乎蛙煙此則崇臺池以事仙幻飭泉館以悅傾城是
以證嚮今故明質衡平故雖長江大河尙不能洗滌其污穢其

與清流靈派同東注而浚浚者孰可尤而孰可名也耶城南楮
廣文好賢樂善素愛此泉聞而是之乃爲歌曰泉水之盈科兮
君子以自新泉波之渙漫兮君子以經綸泉之流兮赴滄海賢
之達兮近紫宸前波逝兮後波續前賢建立兮後賢仰遵泉之
長兮無盡賢之出兮何垠山川草木兮精采長春又歌曰文運
昌兮禮樂純奎璧爛兮泰階均閭闔啓兮俊乂賓宴瓊林兮錫
玉酖舞咸英兮奏韶鈞海宴河清兮仰一人地效靈兮儒效珍
千年萬年兮泉粼粼泮芹豐芭兮同不泯

東厓賦

山陰解元張直

天開分野兮墳星耀祥川封口鎮兮華山面陽凌虛翠立兮熊

靈寶縣志

附卷前下

古文

四十九

新豫印刷所承印

耳孔長搏雲補關兮外分允臧桐柏環於朱圉兮靈叔之包荒
陪尾聯於鳥鼠兮氣象之昂藏中條起於蒲兮延袤之無疆秦
嶺終於虢鎮兮形勢之相亢伊洛以宏兮啓道源之澄澈瀍澗
以疏兮裕名流之清冽滎波不興兮屏沴氣之消融荷澤不濫
兮湛天元之瑩潔兩汜其涯同兮而孟豬之覃被九流其貫通
兮而汝穎之旁達泉水其支分兮而宏農之潤開一源其派別
兮而育賢之泉咄名山大川兮推中州之獨完圖青寫練兮侈
東厓之奇觀袞天席地兮充一榻之燕安吟風弄月兮儲三友
之盤桓看薔薇兮老東山之謝障川流兮依北斗之韓登絕頂
兮望崔生之日跡清流兮觀孟氏之瀾放龍山之馴鶴著鹿皮

之圓冠摩虎石之瑰奇兮以礪發強之操撫虬松之蟠屈兮以
達含貞之妙覽花卉之榮悴兮以悟消長之機披雲煙之聚散
兮以識盈虛之道躡巒嶼之峻層兮以裨文思之豪聽泉流之
潺湲兮以釋人心之躁內達其順兮而弭陟岵之悲外除其累
兮而忘結毛之好身不愛珍兮而鄙河上翁之貪志不在魚兮
而卻晉文公之釣節彼崆峒兮以廣成而擅名照茲石紐兮以
平成而著靈維赫商巖兮以夢形而底譽維崇首出兮以保釐
而流英遡茲泉兮由呂公之發聞仰松高兮由申伯之孕子跂
終南兮由盧生之豹隱稱少室兮由李氏之蜚聲迨東厓百年
之寄跡兮而與西山千古之爭能元之達辭兮有彰隱德仲維
一兮眉之軼我歌南山白石之調兮以播東厓之德

托體園碑序

進士張天翼新店人

上古葬不擇地不擇時日晉郭璞輩起而倡其說謂得其地得
其時日富貴卿相可掌中握也且謂葬後幾年田連阡陌第幾
世出某等官第幾世出某等官舉世信之而不疑豈舉皆迷惑
哉以其求富貴卿相之念勝也是以深信之者如持左券也卽
有信之不甚確而亦必從其說者希圖僥倖於萬一耳郭璞爲
王敦所殺正坐導倡妄說之報也予謂葬地有美惡而無吉凶

所謂美者何來得有氣勢左右有抱環所謂惡者何江河之濱溝壑之逼道路之旁妄談者又謂葬于勝地勝氣凝于死者遂發越於生人一氣流傳故也予不覺展然大笑曰父子朝夕聚首嘉言善行耳提之面命之究之賢愚自若也是生者氣已不相屬矣若葬死者于深土或且數里之外欲枯骨旺氣行于生人夫生死懸絕矣有是理哉談者以此爲利亦不足怪而舉世信之學士大夫亦信之深可嘆矣予常屬目於數十里之內無一美地今桑暮漸迫恐兒曹茫無主張遂自預定於此雖無勝形亦無溝壑道路之虞後世子孫若能賢家道自然昌盛若不賢家業自然衰廢惟在乎人與此地無關焉世又謂生人之賢不賢卽判於地之吉不吉然同一祖父之人賢愚貧富迥別豈一穴地生一人智又生一人愚生一人貧又生一人富哉吾故直斷之曰堪輿不足信

此文可與正卷藝文內二宅辦參看

丙 古建設

(一) 文廟 在城東南隅其創修重修見歷代碑文民國二十一年重修內設師範學校

(二) 教諭署 在文廟北民國元年爲縣議會地址十六年爲民衆聯合會地址現時同善社借租

(三) 訓導署 在教諭署西民國元年設縣議會十六年設民

衆聯合會現歸同善社借租

(四) 縣丞署 在虢略鎮現改爲第四區區公所

(五) 典史署 在縣署西現時大堂并入教育局餘房設財政委員會及徵收處推收所

(六) 把總署 在城東門內路北民國初年把總裁缺後經官產處變賣

(七) 常平倉 在縣治西前令霍濬遠建廩房七座共房三十四間今房屋無存地址平爲學校操場

(八) 預備倉 在縣治西雍正十二年建廩房七座共房四十四間今無存地址亦并爲學校操場

靈寶縣志

附卷前下

古建設

五十二

新豫印刷承印

(九) 新建倉 在南街教諭署東康熙四十三年建廩房九座共房四十七間今已殘毀成一片瓦礫場矣

(十) 養濟院 在西門外原有地址六分九厘八毫建葺南房三間東西房二十四間門樓一座今已全數消滅變成民屋民國二十三年創立救濟院容納殘廢貧民因舊址無存暫借城內火神廟辦理

(十一) 普濟堂 在東門外原有地址一畝九分二厘九毫雍正十二年建葺上房三間廂房二十二間門樓一座今房屋已久行殘毀獨餘地址矣

(十二) 桃林驛 在縣治東原有房二十六間自民國初年驛站

裁廢房屋殘塌今其地址改爲平民運動場矣

(十三) 大公館 在城外東南隅原房二十三間今久廢獨存地址焉

(十四) 東接官廳 在東門外一里周淦修有記今廢

(十五) 西接官廳 在西門外函谷關門路北今廢

按舊志有分汎營布按分司府館遞運所陰陽醫學僧會道會司稅課司育嬰堂等公所今皆久廢

(十六) 壇廟

社稷壇 在西關

神祇壇 祀風雲雷雨山川城隍在南關

靈寶縣志 附卷前下

古建設 五十三

新豫印所刷承印

先農壇 在縣東三里前令程世綏建有部頒圖式藉田畝分

朝日壇 在縣南五十里淪渡口

夕月壇 在縣西南六十里巴樓村

邑厲壇 在北城後同治十一年前令周淦建

文昌廟 在城內南街

關帝廟 在東關同治十三年前令周淦重修碑記詳藝文一在演武場

禹王廟 在西關

伯王廟 在縣東南三十里胡家原每年八月十五日陝州及本縣遣官致祭一在東關

城隍廟 在縣治西街

火神廟 在城隍廟東南

馬王廟在縣治東

龍王祠在縣東南十五里五帝村一在東關同治十三年前

八蜡祠在南關

夏直臣祠在東關

雙烈祠在東關祀康楊二節婦有記載藝文

劉猛將軍祠在東關

金姑娘娘祠在東關

許名臣祠在城內東街祀明許氏父子四尙書

三聖祠在縣治西

李忠臣祠在城隍廟東

靈寶縣志 附卷前下

古建設

五十四

新豫印刷所承印

江公祠在夫家山下祀前任知縣江燦

以上除許名臣祠現為第一區區公所借用保存龍神祠火神廟伯王廟禹王廟尙未全毀外餘如關帝廟城隍廟直臣祠民國十八年被兵毀燒毫無遺存其他均雖有若無逐漸消亡矣

坊第

舊志曰邑中舊多坊表流寇既陷城走欲於潼關築堅城利碑坊之石巨而且近遂折運以去僅存三耳其餘名公元老孝子節婦之表豎蕩然一空不亦深可惜哉幸坊毀而名猶存備志之亦存羊之遺意也

德配天地坊

道貫古今坊俱文廟前

騰蛟坊

起鳳坊在泮池左右前令張繼善建

育賢坊在縣治東南通儒學

文獻名邦坊在縣治前

名臣祠坊為許襄毅公莊敏公文簡公恭襄公立

天官坊

大冢宰坊

吏部尚書坊

兵部尚書坊

太保坊

少司徒坊

一椿先秀坊

鄉貢坊

進士坊

繡衣坊俱為許襄毅公立

尚書巷坊

太保里坊

靈寶縣志 附卷前下

古建設 五十五

新像印刷所承印

父子四尚書坊俱為許襄毅公莊敏公文簡公恭襄公立

羣英坊為許襄毅公及舉人張潭黨茂立 父子冢宰坊為許襄毅公立

兄弟司徒坊為許莊敏公文簡公立 翰林學士坊

進士坊 黃門清要坊

國子祭酒坊 聯魁坊

吏部侍郎坊 戶部尚書坊俱為許莊敏公立

進士坊 學士坊

刑部尚書坊 戶部尚書坊

黃閣清風坊 青宮太傅坊

黃閣輔丞坊 春曹玉容坊

南宮大夫坊

五馬刺郡坊

聯璧坊俱為許文簡公立

進士坊

夏官職方坊

大司馬坊

經元坊俱為兵部尙書許恭襄公立

四世執法坊

為都察院掌院許進右副都御史許浩然立

五桂聯芳坊

為許詔許誥許讚許詩許論立

世科坊

為經元許詔立

贊揚風紀坊

為都察經歷許詞立

殫勤任事坊為長蘆運司許詞立

進士坊

繡衣坊俱為御史楊鍊立

鄉貢坊

都憲坊俱為何濬立

靈寶縣志 附卷前下

古建設

五十六

新豫印所刷承印

世科坊

為勅封都御史何濬戶部侍郎何鈞刑部員郎何鈞

世科坊

為鄉進士何濬賜進士何鈞鄉進士何銑賜進士

進士坊

豸繡坊

都憲坊

俱為何鈞立

進士坊為員外郎何鈞立

世科坊

進士坊

左方伯坊

俱為布政司楊惟康立

關河俊秀坊

為舉人賀賁彭範許澗許任許份王聘焦冕許茂梅許茂挺立

世科坊

為舉人趙友書立

攀蟾坊為舉人陳素立

折桂坊

為舉人楊瑀立

御史坊

為監察御史賀賁立

會試經元坊

都諫議坊

俱為給事中彭範立

世科坊為舉人彭公溥立

登瀛坊為舉人張潭立

步月坊為舉人胡斌立

騰蛟坊為舉人趙彥章立

鄉貢坊

進士坊俱為御史李廷光立

嗣秀坊為舉人許伸立

豸繡坊為御史胡亮立

光祿坊為署丞焦詔恩立

義活萬人坊為引禮焦紹輔立

重光坊為舉人許儒立

鄉貢坊為舉人張澤立

解元坊為萬歷庚子科荆時薦立

官預二倉坊在倉巷口

大中丞坊

少廷尉坊俱為許默齋公立

貞節坊為呂才妻李氏立

貞節坊為王建中妻秦氏立

烈節坊為生員楊宋妻康氏立

貞節坊為蘇六妻屈氏立

靈寶縣志 附卷前下

古建設 五十七

新豫印刷所承印

卷	頁	行	字	誤	正
附卷前下	六	十九	二十二	冠	寇
	七	十九	十四	徐	除
	十三	二十	十三	雙	獲
	十六	十六	十三	龜	龜
	二十九	八	二十一	邵	劬
		十七	十八	臧	藏
	三十五	一	十二	檄	織
	三十九	六	十八	榜	榜
	四十二	十五	二十一	於	與
	四十四	十	十二	元	玄
	四十五	十九	九	磔	磔
	四十七	十六	十三	汜	汜
	四十八	五	五	荐	游
	五十一	十四	十二	辦	辨

